



Diahuebs Januari 17 2013 - Edicion-7 Vol.192094 Sta.Cruz#110
Tel: 585-9500 Fax:585-0951 - E-mail: solodipueblo@gmail.com **1.50**

**URATACA
CENTER**
Special di awe:
Loin Ribs y Kool
Stoba – Aroz –
Banana- Salada
Afl. 10.00
(di 12 pa 3pm)
Tel: 585-5212

**Solo di Pueblo
ta desea tur
carnavalista
un carnaval
safe!**

**Nada di mas
ta bon!**



**San Nicolas y vecindario ta biba
cu un Time Bomb grandi den nan
Backyard**

PELIGER GRANDI DEN REFINERIA

**ELMAR NO TIN PLACA PA INVERTI
PARIBA DI BRUG PERO DEN
MARKETING SI**

Riba dia di eleccion pueblo lo saca e Plug di
gubernacion di AVP

**CORIENTE A BAY ATROBE
PARIBA DI BRUG**

Sra. Vanessa Tjong- Kock

**Casonan di atraco
ta wordo trata
individualmente**

**Abehanan furioso a
ataca trahador di DOW
na pia di Hooiberg**



**Links-
Rechts
cu Canal
22 den
ambiente di
Carnaval 59**



**Sin criadero no tin sangura, sin sangura no tin dengue
Tira boter, bleki, cup y foambox den bari di sushi tapa!**

DESPA

Gobierno di Aruba

Departamento di Salud Publico Aruba
Caya ing. Roland Lacle 4, Oranjestad • Tel. 522-4200 • Fax. 582-6436
Gele Koorts Muskiet Bestrijding
Barcadera 1-B • Tel. 585-3325 • 585-5533 • 585-3320 • Fax. 585-3310
Servicio di Malesa Contagioso
Avicenastraat 1 • Tel. 522-4200 • Fax. 582-7352



Naam & voornamen:

HERNANDEZ RODRIGUEZ,
Roepnaam / bijnaam: Julian



Geboortedatum en
plaats: 11 juni 1965, Cali
Colombia

Adres: Weg Seroe
Blanco 23.

Kleding (soort & kleur):
shirt korte mouwen
geel en roze. Blauwe
spijkerbroek en blauwe
sportsschoenen.

Bijzonderheden:
BEHEER ZIJN
GEESTVERMOGEN NIET
IN VOLDOENDE MATE



Si bo waak e of sa unda
e ta yama 100, 911, tiplijn
di polis 11141 of Liliana
Maduro (ruman muher)
5651831 of 5658412

Pueblo ta puntra:

Con ta posibel cu tin hende cutintitulo didrs. y toch ta duna comentario cu ta muestra cu nan ta sin comprendemento? Aki pueblo ta referi na sr. Paul. Con ta posibel cu e meneer aki NO ta comprende un materia splica na placa chikito y na Papiamento? Aki e único lógica cu ta resta di pensa ariba ta cu AVP su fechoría a wordo descubri y cu mester bisa: "This is a job for superman". Aki ta manda Paul, e superman di parlamento, mes pa bin tira tera den wowo (bin splica ala AVP) di pueblo di Aruba. Cualquier hende cu zesde klas por comprende cu no ta asina e splicacionnan a wordo treci pa dilanti. Según e líder di MEP e dialogo (por lesa tambe diabolito) social aki ta SELECTIVO. Aki e Lider di MEP ta bisando cu e NO ta contra, simplemente e ta bisa di con e dialogo social aki ta pa atende CIERTO asuntonan so? Di con no e otronan tambe? Esey pueblo por a comprende di loke MEP tabata trece pa dilanti, nada otro. Pueblo mester por ripara con e strategia di AVP ta traha. Uno, ora bo gara nan den trampa, mesora ta contra aresta e berdad cu gañamento y argumento cu ta desvia for di e asunto original. Dos, nan ta manda un powerhouse di nan, e presidente di parlamento mes ta bin splica cu nan gañamento ta berdad y no gañamento, cu un gañamento. BERDAD ta cu e dialogo social ta wordo usa solamente pa e cosnan cu AVP kier parti e responsabilidad y daño na Aruba cu e gremionan. Aki e gremionan ta wordo "consulta" tocante un medida cu gobierno kier y ta bay tuma. Pregunta: Cuanto biaha a registra den corant cu un, un so, no mas, di e gremionan na mesa, a contra - aresta un peticion di gobierno? NUNCA TOCH? Of bo ta na mesa sin comprendemento di e asunto of ta droga bo ta na mesa. Un di dos.

Un gremio cu ta stima y respeta su miembronan at least ta pidi pa studia loke gobierno ta presentando den su seno di miembrecia. Aki tin democracia! Bay bin bek pa sigui delibera pa acepta of rechaza e peticion. Pero no, nunca ta e caso, tur ta firma di biaha, of no? Mas straño ta cu e miembro nan di e gremionan aki tambe ta keto!? Di con? Corda cu ora cos pega, AVP lo bisa cu e gremionan mes tabata di acuerdo cu e medidanan y no ta AVP so ta culpabel! No lubida esaki, e lo bin bek riba boso. Pret ta pa lesa con superman Paul ta wordo manda (kush kue) pa bin pa desacredita MEP como un partido

destrutivo y no contribuyente. Pregunta na superman Paul: Ta MEP a fia 500 miyon pa paga gastonan di mas di presupuesto cu ne? Ta MEP a haci Aruba mas caro como producto turístico, introduciendo mas medida riba e turista? Ta door di MEP no por presenta e presupuesto 2013 ainda den parlamento? Conclusion: Ta asina dolor ta haci (of manera De Sousa a bisa ora el'a perde e casonan: "ta peika") ora pueblo waak y comprende e maniobra macabro di gobierno di AVP, usando gremionan pa cierto asuntonan so den un dialogo social? Mike di: "Un tiki so".

MADURO HEAVY EQUIPMENT N.V.

**Santo pa Basha, Santo pa Pleister,
Crushed Sand, Piedra, Tera pa**

**Mata, Graniet. Tambe nos ta Rosa
Tereno, Coba Pos y Fundeshi.**

ROOI BOSAL 49

TEL.: 585-1708

FAX.: 585-6299



Yuda Kiana Tores bay Hulanda



Kiana Tores a nace cu problema di man. Na momento cu el'a nace, a rank'e na su man, causando asina cu su man no ta funciona bon. AZV ta mand'e Hulanda.

E famia mester un contribucion chikito. Yama 564-0071 pa duna bo contribucion. Bo contribucion lo wordo aprecia pa salud di Kiana Tores.

TA HUUR

Apartamento, 2 kamber, 1 baño, cushina, sala, comedor. Full muebla, airco!

Afl. 100.00 pa dia inclui awa y corriente.

Available pa December, Januari y Februari.

Situa na Noord, banda di Texaco Sasaki, 2 minuut di beach y hotelnan grandi.

Tel: 567-9696

Riba dia di eleccion pueblo lo saca e Plug di gobernacion di AVP **CORIENTE A BAY ATROBE PARIBA DI BRUG**

STA. CRUZ -- Ayera mainta pa di tantisimo biaha coriente a bay Pariba di Brug y atrobe habitantenan ta sufri di e mal servicio di Elmar. Pueblo di Pariba di Brug durante ultimo 3 aña ta mas negligisha cu nunca pasobra tur inversion y proyectonan a y ta sigui wordo haci Pabao di Brug. Elmar ta gastando un dineral na salarionan miyonario pa un grupito cu a wordo hinca den e compania for di dia cu e gobierno di AVP a bin na mando. Pueblo di Pariba di Brug ta paga e mesun tarifa pa awa y coriente pero e servicio pa esnan cu ta biba Pariba di Brug

no ta igual compara cu otro barionan. Mientras Mike Eman ta gastando miyones cu proyectonan descabeya y ta duna Valero trato preferencial unda cu Valero por a strika miyones, sino biyones riba lomba di pueblo, esnan cu ta biba Pariba di Brug ta habri aña cu coriente ta bay atrobe. No a pasa ni un siman cu Mike Eman tabata campanando den bario di Savaneta, unda cu no tabata tin servicio na Hulp Bestuurskantoor di Savaneta y awor coriente tambe ta cay afor Pariba di Brug. Si esaki no ta otro señal di naturaleza y ley di Karma y musta cu e

gobierno aki ta esun mas sala cu pueblo a yega di haya riba su lomba anto ta con por yame anto? Hecho ta cu pueblo di Pariba di Brug ta hopi rabia y indigna cu tur loke cu e gobierno di AVP ta haciendo, aunke cu un grupito di San Nicolas cu ta riba payroll ta defende Mike cu alma y cuerpo pasobra si AVP no bolbe mas den gobernacion; nan fiesta lo bay caba! Riba dia di eleccion pueblo Pariba di Brug lo saca e Plug for di gobernacion di AVP pa asina laga nan sinti e dushi di un Black Out politico anto Dimes y sin energia politico berde.

ELMAR NO TIN PLACA PA INVERTI PARIBA DI BRUG PERO DEN MARKETING SI

Compania Elmar ta gastando miyones den tur sorto di locura di gobierno di AVP pero inverti adecuadamente den e infraestructura di coriente Pariba di Brug no ta un prioridad pa nan.

Cada biaha pueblo Pariba di Brug ta wordo confronta cu coriente ta bay bin y te awe no tabata tin un solo biaha cu Elmar tabata tin e decencia pa duna tur esnan perhudica Pariba di Brug un compensacion pa e mal servicio. Supuestamente mester bay inverti miyones pa cambia e infraestructura bieu di coriente y esaki lo bay tuma tempo pero

pa tuma hende den servicio pa cuponan di trabao cu no ta ni existi y no tin nodi den Elmar; pa esey tin miyones. Elmar a tuma te hasta un manager di Marketing den servicio y ultimo tempo mas hende a keda nombra tambe den Elmar pa haci Marketing.

Kico Elmar tin di haci cu Marketing si na Aruba ta un solo compania di coriente tin? No tin nada di haci propaganda pe y menos pa tin tanto hende cu salario miyonario den servicio pa haci Marketing di spirito. Pa laga pone algun propaganda sin necesidad den medionan di

comunicacion cumpra door di gobierno Elmar mester a bin cu su propio departamento di Marketing? E momento a yega cu pueblo pagador di belasting y cu ta doño di Elmar pasobra Elmar ta di pais Aruba, mester haya sa cuanto placa Elmar ta invirtiendo na unda y con y kende tur ta esnan cu ta haya miyones pa enrikece nan mes.

Pueblo no por sigui paga sumanan astronomico pa un mal servicio di Elmar anto riba dje Elmar ta sigui tuma hende den servicio pa asuntonan cu no tin nada di haci cu e tarea di Elmar.

Comision Celebracion Dianan Nacional ta informa: **Celebracion Dia di Betico** **riba 25 di Januari 2013**



STA. CRUZ -- Un biaha mas Aruba lo bay recorda y celebra e fecha natalicio di e gran estadista Arubano Señor Gilberto François (Betico) Croes den feliz memoria. Pa cu e celebracion aki, Comision Celebracion Dianan Nacional (CCDN) a prepara un programa tanto protocolar cu tur e mandatario y invitadonan, cu lo tuma lugar riba diabierna 25 di Januari mes cuminsando for di 5'or di atardi riba Plaza Libertador Betico Croes riba Vondellaan cu e ofrenda floral y discursonan. Despues di e ceremonia protocolar lo sigui di biaha riba e escenario cu e Manifestacion Cultural cu diferente artista local te den oranan laat di anochi. Pa haci e atardi y anochi aki uno ameno, lo bay tin diferente tent cu tanto artesanía, cumindanan crioyo, juice fresco, awa di coco, flor, mata, boeki, remedi-tera, raspau

y hopi mas. Tambe lo tin un Kids Corner pa deleita nos muchanan cu entre otro Dino-Jump. Bar y cushina lo ta bon surti pa refresca tur e gargantanan y cu nos dushi platonan crioyo. Comision ta informa na tur esnan cu ainda ta desea un tent pa bende locual a ser a anuncia ariba, por pasa personalmente na Departamento di Cultura Aruba (Banda di Misa di Playa) cerca Sr. John Flemming of yama na 582- 2185. Pa tur actividad rond di nos isla ta ser pidi pa organizadornan manda nan informacion via e-mail na stan.dabian@gmail.com pa sr. Stan Dabian pa asina traha e calendario di actividad pa nos pueblo di Aruba por bishita tur e actividadnan riba Dia di Betico. For di awor caba comision CCDN ta spera bo y hunto cu famia pa bin celebra e bunita dia aki na Plaza G.F. Betico Croes, celebrando nos dianan Nacional.

San Nicolas y vecindario ta biba cu un Time Bomb grandi den nan Backyard

PELIGER GRANDI DEN REFINERIA

STA. CRUZ -- Trahadornan cu ainda a keda den refineria ta hopi preocupa cu e situacion di seguridad y peliger cu e refineria ta forma pa nan mes y pa e area di San Nicolas y vecindario. Manera ta conoci, Valero poco poco a cuminsa desmantela e planta y partinan esencial a wordo bendi caba y tin hopi mas pa bende ainda y tur cos ta wordo saca pa exportacion. Pa tanto cu Mike Eman y Mike de Meza a viaha rond mundo gastando placa di pueblo na orden di dia pa supuestamente busca solucion pa un re-apertura di e refineria, awor pueblo ta haya e regalo di AVP presenta den forma di un peliger di un posibel calamidad grandi. Un refineria cu dia pa dia ta birando un peliger grandi pa Aruba den e sentido amplio di e palabra, ta e resultado final di e maneho di engaño di Mike Eman y Mike de

Meza, segun trahadornan cu atrobe ta ranca na e bel di advertencia. Solo di Pueblo a publica aña pasa caba riba e asunto aki y tambe riba e peliger grandi cu tin riba tereno di e refineria pa loke ta trata un cantidad grandi di asbest cu keto bay ta para pa su cuenta y nada ta wordo haci pa laga kita e peliger grandi aki pa salud di pueblo di Pariba di Brug. Pa Bus di Salud e ministro encarga cu Salubridad Publico tin placa pa benta afor pa e compra di e bus y tur propaganda rond di esaki y te ey tambe cos a keda. Riba tur otro tereno, tanto local como internacional unda cu ministro Visser por haya elogio propio mescos cu Mike Eman, placa ta wordo malgasta pa nan logra nan metanan personal di alaba nan mes. Brandweer tambe ta hopi preocupa cu e informacionnan cu mas y mas a cuminsa leak encuan to seguridad

riba tereno di Valero y nan a manda un carta pa gerencia di Valero pa haya sa kico ta come y bebe cu seguridad riba e tereno. Pasobra ta un cantidad grandi di material pa percursa pa seguridad di e refineria a wordo bendi y no tey mas pa wordo usa den caso di cualkier calamidad. Si algo pasa ta Brandweer di Aruba tin cu bay atende cu cualkier desgracia cu tuma lugar y nan no sa ta den ki situacion nan ta bay haya nan mes. E departamento di Brandweer di e refineria mes a bira un agencia di funeraria pasobra e ta mas morto cu bibo despues cu esnan cu tabata traha den prevencion y combatimento di candela y calamidad a wordo manda cas. E refineria mes no tin material adecuado mas pa combati cualkier calamidad y mirando cu awor nan ta bay haci Transshipment di fuel, e imagennan di loke a pasa na e refineria na Venezuela aña pasa,

unda un explosion masivo a causa un desgracia grandi, awor tin hopi hende mal preocupa pa cu e situacion riba tereno di Valero. Gobierno di AVP cu Mike Eman y Mike de Meza prome para den rij pa atende cu asunto di e refineria Valero, keto bay tabata sigui tene e 90 y pico trahadornan cu a keda na linea y supuestamente na Februari kizas lo tabata tin posibilidad pa e refineria habri di nobo pero tur esaki atrobe a bin resulta den un maneho di Gaña Baka anto Dimes! Cu e pensamiento cu e refineria lo habri bek na Februari, hopi trahador a dicidi aña pasa pa no bay haci fastioso cu e plan di retiro di Valero y nan a firma pa haya pakete pa bay cas. Tin basta material peligroso y toxico y te hasta radio activo riba e tereno y nada a wordo haci te awe na mantencion di instalacionnan crucial y pa prevencion di cualkier calamidad. E medio ambiente cada dia ta core mas y mas riesgo di wordo

malamente contamina pa e forma con e compania Valero ta atendiendo cu e planta.

Pueblo di San Nicolas y vecindario ta biba cu un Time Bomb den nan backyard y dios spaar nan pa nada malo pasa pasobra no tin suficiente material adecuado pa Brandweer controla of domina cualkier explosion grandi. Fuera di esey cualkier explosion of calamidad grandi riba tereno di Valero por kibra full e economia y estabilidad economico di pais Aruba. Esey ta un berdad cruel cu e gobierno di AVP a crea y ta sigui tolera a costo di pueblo di Aruba. Na otro paisnan tin leynan unda cu dia bieu mandatarionan y tur hefe di departamentonan responsabel den un caso similar lo a wordo cera den prison pero na Aruba husticia ta midi cu diferente midi y ta depende tambe ta cual partido ta den gobernacion pa Ministerio Publico actua.

Sra. Mary Hoek

Ya ta tres biaha caba cu ta perde tur cos den cas pa motibo di awacero

STA. CRUZ -- Despues di e awacero di diamars ultimo sra. Mary Hoek ta comenta cu esaki ya caba ta di tres biaha cu e ta perde tur cos den cas. E situacion aki ta uno fastioso como cu cada biaha cu tin yobidanan fuerte su cas ta yena cu awa y tur cos ta bay perdi. E señora aki tin 14 aña bibando na Tanki Leendert 133-C. Ta DOW tin cu yuda e señora aki ya cu pa motibo di cobamento di caminda pazuid di su cas, nan a basha santo a ocasiona cu tur awa ta dreña su tereno y no ta sigui move bay manera semper tabata e situacion pues debi na esaki e situacion a cambia. Despues di e yobidanan fuerte brandweer a manda un

truck special pa pomp y saca e awa. Despues di e ultimo awacero su trabao a yude cu un cama pero te dia di awe e no tin un Frigidaire. E situacion aki ta uno fastioso caminda cu sra. Hoek ta comenta cu el'a sali despues di 4'or di atardi for di su trabao y pensando cu e lo yega cas pa sosega, e ta topa cu e situacion di su cas completamente bao di awa y tur cos a bay perdi atrobe. Esaki sigur ta un disgusto grandi pa sra. Hoek. Pa tur esnan cu di un of otro manera ta dispuesto y cu por yuda sra. Mary Hoek, por tuma contacto cune na telefon 562-7146 of 588-6088. Tur ayudo cu dreña lo ta altamente aprecia.

Remetido:

Nos kier un oficina di landsloterij grandi y mihor

Apreciable redactor: Un bon aña 2013 pa bo y pa bo corant tan lesa. Danki pa e espacio aki otorga na mi persona. Cu e palabranan aki mi ta desea di feliciteer tur e ganadornan di Landsloterij miyonario di 1 Januari 2013. Mi ta pidi tambe pa na Aruba

nos por haya un oficina di Landsloterij mas grandi y mihor. Pa añas caba e lugar di para cobra of busca tabla di briyechi ta demasiado chiquito. Ni dos hende no por para aden y e otro hendenan mester para den solo cayente. Si mi no ta hera, e loteria tabata

yama antes "Fortuna" y mi Tata difunto tabata un fiel comprador mescos cu mi awor aki. Bon aña 2013 cu Dios bendiciona Landsloterij y tur e islanan di antes Antiyas. Danki pa e espacio c o n c e r n i . Un cliente vast

Mester registra prome pa e servicio di Parkeo na YMCA San Nicolas durante eventonan pariba

STA. CRUZ -- YMCA ta anuncia cu pa temporada di Carnaval, YMCA San Nicolas ta ofreciendo servicio di parkeo pa auto cu supervision di agentenan di seguridad. Lo tin vigilancia durante Caiso and Soca Monarch Contest riba dia 19 di Januari cuminsando pa 6'or di atardi, durante Parada di Luz riba dia 7 di Februari cuminsando

6'or di atardi y durante Parada Grandi riba dia 9 di Februari cuminsando pa 10'or di mainta. Lo tin vigilancia riba e autonan for di e ora stipula te ora cu e actividad caba. YMCA ta pidi un contribucion di solamente 20 florin pa e servicio aki. Asina abo tambe por disfruta di bo Carnaval trankilo, sea como participante of den publico, ya cu

bo sa cu bo auto ta bon cuida. YMCA ta ofrece tur esnan interesa den e servicio special aki e oportunidad pa pasa registra y paga di antemano. Corda cu cuponan ta limita, pues tuma contacto cu YMCA awe mes na telefon 584-5303 pa mas informacion. YMCA ta traha pa comunidad di Aruba.

Biblioteca Nacional:
Den un sala di conta storia renoba

Amina Blackwood Meeks di Jamaica ta conta storia



STA. CRUZ -- E edificio di biblioteca tin un 'fresh new look' cu su colornan bibo. Tambe e sala di conta storia (Verteltoren) na prome piso a keda completamente renoba. Aki normalmente e actividadnan pa e chikitanan ta tuma lugar. Pa celebra e reapertura oficial hunto cu muchanan di Aruba biblioteca ta presenta contamento di storia. Diamars ultimo Olga Buckley a conta e storia di 'E prinses cu no kier a peña su cabey'. Esaki ta prome actividad cu a tuma lugar den Verteltoren y ta spera cu hopi mas ta sigui den 2013. E storia ta un traduccion na Papiamentu di e boeki di e autora Hilli Arduin 'Ivana, de prinses die haar haren niet wilde kammen' traduci pa Olga Buckley y Desiree Correa. Amina Blackwood Meeks Diahuebs atardi pa 4'or tin contamento di storia cu Amina Blackwood Meeks, un storyteller for di

Jamaica. Amina ta duna 3 presentacion na biblioteca y ta bishita diferente school basico tambe e siman aki pa conta storia. Diarazon e ta di bishita cerca e studiantenan di Instituto Pedagogico Arubano (IPA) pa duna nan informacion di e arte di contamento di storia. Amina tabata riba programa di Festival di buki pa mucha November ultimo pero pa motibonan no prebisto mester a cancela su biahe y a cambia esaki pa Januari 2013. Tin ora cos ta sosode pa un motibo y awor Amina ta e 'star guest' durante siman di actividad special den cuadro di re-apertura oficial di biblioteca su edificio central na G. Madurostraat. Un invitacion ta bay pa tur mucha pa diahuebs awor 4'or na Biblioteca. E presentacion aki ta na Ingles. Un invitacion special tambe pa e comunidad Jamaikino bishita biblioteca.

Parlamentario Arondino Croes: A bisa cu no ta tuma medida pero...

Gabinete Mike Eman ta introduci medida sin aprobacion di Parlamento



STA. CRUZ -- Intencion di Gobierno ta pa bay cobra turistanan cu tin timeshare belasting riba medio ambiente. Parlamentario Arondino Croes a indica cu den Bon Dia Aruba a publica cu miembronan di timeshare mester paga e suma aki. Loke ta ironico pa e Parlamentario Arondino Croes, ta cu ainda e ley aki no a ni yega Parlamento. MEDIDA: For di un carta cu Parlamentario Arondino Croes a haya, e la observa cu ta bay cobra doñonan di timeshare pa esunnan cu tin un timeshare tipo studio 10 dollar extra y 15 dollar pa un timeshare di tres kamber. Turistanan cu ta keda na Aruba di transito of cu no tin timeshare mester paga un suma adicional di 3 dollar pa dia. Den e carta cu e doñonan di timeshare a haya anticipando riba e ley, tin para cu e placa aki ta pa yuda Aruba su situacion financiero. Parlamentario Arondino Croes ta considera e ley aki como un medida riba turismo.

C U M I N S A
IMPLEMENTA: E

intencion ta pa cuminsa implementa e ley aki na luna di Maart 2013. Sin cu a haya aprobacion di Parlamento y sin cu e ley aki ta valido, ya caba a manda carta pa tur turista prome cu e ley a pasa Parlamento. E situacion aki ta un maneho lamentabel. Parlamentario Arondino Croes ta considera cu Gobierno tin hopi curashi di manda e carta adelanta, sin aprobacion di Parlamento. APROBACION: Mas a leu den e carta a bisa cu e reforma fiscal nobo aki a haya aprobacion di e comunidad comercial y e sindicatonan. Tur e gruponan den e dialogo social a bay di acuerdo cu esaki. Parlamentario Arondino Croes kier haya sa e reaccion di e dos gremionan aki pa haya sa ki dia a dialoga riba esaki y a tuma e decision prome cu e reunion a bin Parlamento. Parlamentario Arondino Croes ta cuestiona e decision di Gobierno aki, sin cu Parlamento sa di e punto aki. Esaki ta un forma cu Gobierno ta usa e comerciante y e sindicatonan pa tuma medida riba e sector di turismo. DESAROYO: "Si

gobierno no sa con pa financiar suproyectonan, ta imposibel pa pone turistanan paga pa esaki", asina Parlamentario Arondino Croes a expresa. Mas ainda Gobierno a motiva pakico nan ta bin cu e medida aki riba turista, indicando cu nan mester di e placa aki pa yuda cubri e desaroyo den caya principal, pa revitaliza proyectonan na Aruba y tambe pa implementacion di Linear Park. Pues Gobierno ta bisa e turista cu ta nan tin cu paga pa e proyectonan cu Gobierno ta implementando. USA GREMIO: Parlamentario Arondino Croes ta considera cu Gobierno no ta pasa Parlamento y ta uza sindicato y comercio pa tuma medida. Si evalua e competencia cu tin den area di Caribe, Aruba mester ta mas cauteloso. Esaki ta e gobierno cu a bisa cu ta bin baha awa, coriente y elimina BBO. Tambe nan a bisa cu nan no ta bin cu medida, pero esaki a bira e Gobierno cu ta tumando mas medida y mas ainda ta pone e medidanan aki riba e turistanan.

Sra. Monique Labad-Giel di Wit Gele Kruis:

Hobennan mester mas informacion encuanto sexualidad

STA. CRUZ -- For di sra. Monique Labad-Giel di Wit Gele Kruis nos a bin comprende cu e aña aki den campaña di 'I Love MyBody' a bin un cambio. E parti di informacion encuanto relacion sexual a wordo cambia na e forma di informa e hobennan ya cu por a nota cu nan no ta bon

informa riba e topico aki. Lo no bay usa solamente charlanan pero tambe lo bay papia cu nos hobennan encuanto e decisionnan cu nan lo bay tuma. A enfoca tambe e biaha aki riba usonan di anticonceptivo mirando cu e hobennan sa di e tiponan di antoconceptivo pero

no ta usanan manera mester ta. Locual tambe mester sa ta e plannan pa futuro pues kico e hobennan kier logra y ta pensa riba esaki. Pues ta papia cu e hobennan pa asina mustranan riba e efectonan di haya un yiu na un edad hoben, responsabilidadnan y tambe con e hoben riba

su mes ta mira e topico aki pues sexualidad. Hobennan mester ta bon informa pa asina usa e anticonceptivonan debidamente. Un di e anticonceptivonan mas conocir ta e condom cual ainda tin hobennan cu no sa con pa usa esaki debidamente mucho menos sa

di enfermedadnan transmiti sexualmente. Cifranan di relacion sexual insigur ta demasiado halto y cu e campaña 'I Love MyBody' kier concientiza nos hobennan como tambe adultonan encuanto tur aspecto di sexualidad, segun sra. Monique Labad-Giel.

Sra. Stella Montsanto di Quota Club Aruba:

Mayornan mester concientiza nos muchanan encuanto uso di earplugs

STA. CRUZ -- Sra. Stella Montsanto di Quota Club Aruba a comenta cu Quota Club ta kere den e cuido di oido pues pa basta aña ta lanza su campaña aki pa haci uso di earplugs durante e temporada di Carnaval. Henter aña Quota Club ta traha duro durante henter aña pa e concientizacion encuanto e uso di earplugs. A bin ripara cu aña pa aña e demanda pa cu earplugs ta birando mas y mas pa e carnavalistanan como tambe pa esnan cu ta bay wak e paradanan. Hopi ta e mayornan cu no ta mira e necesidad of e importancia di e uso di earplugs y ta lubida of simplemente ta nenga di usa esaki. Mayornan mester ta mas consciente y educanos muchanan for di chikito caba pa nan usa earplugs pues proteha nan oido. Quota Club ta contento cu a ricibi colaboracion di WEB Aruba NV como tambe Valero den forma di donacion di earplugs.



Debi na un vacatura recien nos ta buscando un candidato adecua pa e funcion di:

Witgoed Monteur

AMC Unicon ta un compania activo riba tereno di benta, distribucion servicio, importacion mercadeo y instalacion di airco, productonan electro-domestico electronico y muebles

Manda bo CV y un pasfoto dentro di dos siman pa:

AMC/Unicon N.V.
Atencion: Sra. E. Leo
Departamento di PZ
P.O. Box 389
Italiestraat 25
Oranjestad
Aruba



Information di Funcion:

Bo tareanan diario ta consisti di entre otro, drechamento y mantenimiento di aparatonan electrico manera frigidaire, machine di laba y seca panja y stoof di diferente marcanan renombra. Majoria di e trabounan ta worde hasi na cas di cliente, y bo ta responsabel pa caba e trabou den un manera eficiente.

Requisitos pa cu bo funcion:

Diploma di koeltechniek 1, minimaal 1 anja di experiencia den soluciona malfuncionamiento di e aparatonan ariba menciona. Bo mester por comunica den un manera profesional cu e clientenan i traha bon i organisa. Bo mester por lesa i papia Papiamento, Hulandes i Ingles.

Nos ta ofrese:

Un ambiente placentero pa traha, bon beneficianan primario i secundario, salario basico, bonus, reglamento di pensioen etc.

BENNY NISBET, LIDER DI PPA:

PROYECTO DI UN HOSPITAL NOBO PARCE UN 'DEAL' NO FACTIBLE ECONOMICAMENTE...

Y FALTA INFORMACION RIBA AUMENTO DI NIVEL DI CUIDO!!!

STA. CRUZ -- No cabe duda cu nos Salubridad Publico mester di atencion y mas ainda mester di un maneho dirigi riba e problemanan y e locual nos 'patientnan y nan famianan' ta sinti ta incorrecto den nos sistema di Salubridad Publico.

HOSPITAL NOBO: No cabe duda cu Aruba mester di un Hospital Nobo!! Pero cu e Hospital nobo aki lo mester costa nos sociedad 900 miyon florin si, ta algo cu masha hopi ciudadano den nos comunidad y PPA tambe ta cuestiona. Mescos cu e periodo cu a worde escogi pa paga bek un periodo di 29 aña parce irresponsabel. Entrego di propiedad cu awe ta di e fundacion Hospital (lesa pueblo!) pa entregue por nada den man di SOGA pa despues paga HUUR p'e no ta parce PPA un forma responsabel di funciona. Si discuti e sitio.... unda PPA for di oposicion di pafor di Parlamento tabata e UNICO partido cu a cuestionasi nivel

di lama den curso di añanan subi.... anto lo NO por yega nos Hospital SIN ... Kayak of boto...!! No a tene cuenta cu e aspecto serio aki. PPA ta di opinion cu e sitio di e Hospital mester a wordo cambia pa inicia pa e consecucionan climatico den futuro. Y cu Historia lo demonstra cu e 14 miembro di parlamento (AVP y Democracia Real) a pega un barco historico.

NIVEL DI CUIDO: PPA por a tuma nota di declaracion di nos flamante ministro di Salubridad Publico sr. Richard Visser cu Aruba ta hacienda inversion grandi den mas y mihor cuidio medico. Despues di e reunion di parlamento den cual a trata e hospital, diferente fraccion y nan miembronan a declara pafor cu nan a pone acento riba e 'nivel' di cuida di salud cu mester aumenta aki na Aruba. Ponencia di PPA den esaki ta cuanto vez Parlamento durante e constelacion actual di TRES aña y algun luna a discuti e

topico aki, esta NIVEL DI CUIDO DI SALUD NA ARUBA !!! Cual ta e problemanan den Salud Publico cu a keda discuti y realmente a soluciona y a mehora e nivel di servicio??? Mihor cuidio NO ta inicia cu un Hospital nobo!! Mihor Cuidio ta inicia cu atencion pa un problema dentro di e situacion cu ta e momento ey y busca un solucion pa e problema specifico aki. Tres aña pasa Eerste Hulp na nos Hospital tabata un problema serio.... awe e ta lamentablemente ainda!!! Tres aña pasa pa un patient worde manda di su 'Huisarts' pa un Especialista tabata dura simannan... awe den varios caso e ta duranan lunanan largo... Di con? Ora porfin e wordo referi na un Especialista E ta dura algun siman den cierto caso algun luna pa e 'patient' por mira e especialista awe situacion a empeora!! Mas y mas ciudadano nan famia ta colecta placa pa nan bula bay exterior pa mira especialista etc.!! Tres aña pasa na



Hospital ... anochi NO tabata tin suficiente 'verpleegstaf' cu ta keda anochi pa atende e pacientnan... awe situacion ta mescos.... diferente pacient.....a sufri y hasta peor...pa ora por fina despues di oranan di a pidi atencion ... por fin a yega na nan ... !! Kico a wordo haci pa cu e situacion aki? Aki na Aruba a bira un costumber cu ora sea dokter of especialista manda pacient pa haci cierto 'testnan' cu ta dura lunas ... si bon tin suerte ¾ luna den cierto caso mitar aña.... ta como si fuera cu nos sistema di Salubridad Publico ta bisa nos ... muri numa!!

Aki na Aruba 'dokter/ especialista' decadanano largo ta traha riba nan mes y ta mira cu un cara rabia ora e 'patient' of su famia pidi pa un "second opinion". Den concepto di PPA un "second opinion" mester wordo anca como un derecho di cada pacient cu ta wordo propone un tratamiento serio (incluso) operacion. Esaki y mucho mas mester a worde discuti den parlamento TRES aña largo... pero NO a wordo discuti of a lo menos no a sali NINGUN maneho pa frena y cambia e situacionnan aki y mucho mas cu PPA NO por menciona awor!!

MESTER DI PLACA? EMPEÑA Y CUMpra ORO




PASA Y COMPROBA PA BO MES!



JUWELENHUISJE

ORARIO 10AM - 6PM DIALUNA TE DIABIerna



E team completo a luci cu Digicel

SPECIAL OLYMPICS TAMBE A DISFRUTA DURANTE PARADA DI BLAAS

STA. CRUZ -- E temporada di Carnaval 59 ta den full swing y Digicel hunto cu Special Olympics tambe ta disfrutando di e dushi temporada aki. Diadomingo ultimo, durante e parada di blaas na San Nicolas, Special Olympics a luci den e grupo di TOB, unda cu 40 persona, consistiendo di 30 atleta di Cas Shabururi, Scol Duna Un Man y Centro Man na Obra. Netty Williams a keda encarga pa organiza

e actividad aki, cu tabata un invitacion di Veroushka Croes, mama di nos simpatica Reina Hubenil di Aruba su Carnaval 58. E team di Special Olympics tabatin e gran honor di habri e parada di San Nicolas y a luci den nan petchi di Digicel, cu a percursa pa protege nan contra e rayonnan di solo, mientras cu Manrique Capriles tambe a manda dos dama, cu cada mey ora, tabata percursa pa spuit nan curpa cu protector di solo y


Quota Club cu a haci donacion di earplugs pa tur participante. Veroushka Croes a busca un sponsor pa cubri e participacion di e team completo di Special Olympics y asina nan tambe por a disfruta, goza y baila den nos dushi Carnaval. Mirando con special e grupo aki ta pa e henter famia di Digicel, Digicel a percursa tambe p'e banchinan na man, como un parti di e bebida y snacks pa e participantenan. Tabatin

un tremendo ambiente, unda e participantenan di Special Olympics a baila y goza sin fin, di cuminsamento te fin di e parada di blaas. Ademas Digicel ta aplaudi e publico na banda, cu a acepta e grupo hopi bon y tabata bati man na momento cu nan tabata pasa gosando di nos Carnaval. Digicel kier gradici tur e voluntarionan, specialmente esunnan nobo; Sharline Geerman, director di Scol Duna Un Man y Vivian de Cuba,

maestra. No por laga afor e 3 miembronan di directiva super activo, esta Doy, Tuyo y Netty, cu semper ta cla pa haci tur cos posibel pa nos muchanan special aki. Un danki grandi tambe na Otmar Oduber di T.O.B. pa su aceptacion y ayudo tanto prome y despues di e parada y tur otro hende cu a yuda na un manera of otro pa haci nos muchanan di Special Olympics parti di nos celebracion cultural.



Parada di Blaas na San Nicolas



Parada di Blaas na San Nicolas



Parada di Blaas na San Nicolas



Dia 17 Januari 2013 lo aparece den Corte di Prome Instancia

Pa 8:30 am: A.J.V. ta wordo acusa di ladronia di un Harley Davidson riba 6 di Januari 2011. E ta wordo acusa di importacion di hennep riba 14 dMei 2012. Tambe e ta wordo acusa di ladronia den un cas di joyas y/of un television y/of un telefon den e periodo di 22 pa 23 di Juni 2012.

Pa 9:00 am: L.E.A. ta wordo acusa di a menaza un persona cu un crimen contra su bida y/of maltrato y/of maltrato cu arma riba 8 di Mei 2011.

Pa 9:30 am: R.D.V. ta wordo acusa di a intenionalmente

maltrata un persona riba 9 di Januari 2011.

Pa 10:00 am: M.G.K. ta wordo acusa di a intencionalmente maltrata un y/of dos persona riba 9 di Juli 2011

Pa 10:30 am: G.S. ta wordo acusa di a intencionalmente cumpra y/of tuma y/of warda un camera, procedente di ladronia cu violencia, den e periodo di 7 pa 16 di Juli 2011. E ta wordo acusa di posesion di cocaina riba 16 di Juli 2011.

Pa 11:00 am: L.K. ta wordo acusa di posesion di hennep riba 24 di November 2011.

Pa 11:00 am: I.S.L. y L.K. ta wordo acusa di kiebri y heling den e periodo di 10 di Juli 2011 te 16 di Januari 2012.

Pa 11:40 am: M.P.C. y S.C. ta wordo acusa di, conhuntamente cu un otro of otronan y na un lugar publico, a comete violencia contra un persona

riba 23 di Juli 2012. M.C. ta wordo acusa di, conhuntamente cu un otro of otronan, a intencionalmente destrui bentana di auto y/of borchis di propaganda y/of potchi di flor di un persona y/of di un restaurant riba 23 di Juli 2012.

Pa 11:50am: M.P.R. ta

wordo acusa di a huur y/of a bende y/of a cumpra y/of a tuma como regalo y/of a cambia y/of a warda joyas di cual e tabata sa cu ta procedente di crimen, den e periodo di 20 di Juni 2012 te 4 di Juli 2012.

Oportunidad pa Trabao!! Trabao awor!!

Ta busca un dama atractivo pa traha na un cafe-bar. Balente y cu hopi smaak di traha

Pa info Call: 744-5348

Abekhanan furioso a ataca trahador di DOW na pia di Hooiberg

STA. CRUZ -- Diaranson merdia pasa di 1'or Polis y Medical Team di Ambulance a bay Hooiberg. Un trahador di DOW cu lo tabata haciendo cierto trabao nan na pia di Hooiberg, e area di Indian Rock mester a core pa su bida. Aki abekhanan a atake na momento cu el'a bay orina. Prome instante su coleganan a kere ta wega e tabata haci. Den e cori di susto el'a corta su pia tambe. Personal di Medical Team a check e na e sitio y Polis a tuma su datonan.



Na Bubali:

Pickup a dal riba truck di BonBini Cargo

STA. CRUZ -- Diarazon merdia a tuma lugar un boksmento cu a laga atras basta daño material na Bubali. Polis di trafico tambe a bay na e sitio, pa asina tuma nota di kico a pasa. Segun nos por a comprende, e truck di BonBini Cargo saliendo di e hanchi pabao di e veld bieu di Bubali a scucha un brake largo y despues a sinti e auto dal na parti patras di su

auto. E chauffeur di e Pickup Mitsubishi no a calcula e distancia y e speed cu e tabata bin cu ne. Asina aki el'a dal parti patras di e truck. E chauffeur pa un of otro motibo lo no sinti'e bon y a bandona e sitio, pero si un otro persona a keda responsabel pe na e sitio. Mas despues Polis a bay na un adres na Bubali pa conversa cu chauffeur di e Pickup.



Maria Boekhoudt van den Ham

Mester yuda combati ilegalidad na Aruba

STA. CRUZ – Sra. Maria Boekhoudt-van den Ham a comenta cu ilegalidad ta un problema cu por a wordo deduci no solamente di e articulo publica den “El Tiempo” di 10 di Maart 2012 di cual por saca afor cu tin of tabata tin 8.276 personanan ilegal na Aruba pero tambe di hopi acontecimentonan cu a tuma lugar den e aña cu a pasa. Por corda e tireoteo den un area turistico entre polis y dos persona cu segun informacion recibi tabata ilegal na Aruba. Segun informacion na varios ocasionnan pasaheronan di cruseronan procedente di Colombia a keda atras ilegalmente na nos pais, por ultimo riba 29 di November 2012 cu e crusero “The Horizon”. Apart di esey nos por a constata tambe pa medio di diferente publicacionan den prensa cu polisnan den varios accidente of control di trafico a encontra chauffeurnan ilegal cu ta conduci auto sin cu esakinan tin rijbewijs y/of seguro di auto. Tambe ilegalidad tin hopi consecucionan negativo financiero y socio-economico pa un pais ya cu personanan ilegal por tin un historia criminal y por tin enfermedadnan contagioso y cronico. Aparte di e problemanan aki esnan cu drenta Aruba di e forma asina ey, ora cu nan no haya trabao liher pa por sobrebibi, e chance ta grandi cu nan lo por cuminsa horta of comete atraco. Esnan cu drenta ilegal y permanece

ilegalmente pero haya un trabao toch, lo no ta paga loonbelasting, primanan di AOV/AWW y AZV. Door cu nan ta acepta cualkier pago pa un trabao nan ta formando un competencia inhusto pa trahadornan local cu si ta paga nan loonbelasting, prima di AOW, AZV, etc. Fuera di e competencia inhusto pa obreronan local, esaki ta causa un competencia inhusto pa e comerciantenan serio y honesto cu si ta emplea personal na un forma legal y cumpliendo cu nan obligacionnan civico. Door cu gobierno no ta hañando su “fair share”, e fenomeno aki por causa extra presion riba nos gastonan di medico(hospital), vivienda y educacion. Ora e ilegalidad aki ta wordo permiti y promove pa e gobierno di AVP, esnan cu ta wordo permiti pa keda na Aruba, ta haya un trato preferencial riba e trahadornan cu si a respeta e ley y a pasa den tur e tramitenan pa haya nan permisonan. Pues ta mas cu logico cu UPP na diferente ocasion a muestra riba e problema serio aki. Sin embargo te ainda nos ta haya e impresion cu gobierno NO kier resolve e problema aki. UPP ta di opinion cu gobierno, especialmente cu bista riba e conservacion di pilar di nos economia, nos turismo y seguridad nacional di nos pais tin e obligacion pa di un biaha y pa semper tuma e medidanan necesario promer cu mas atraco riba turista y mas tiroteo tuma lugar. Pa e razon aki UPP kier a urgi tur ciudadano conciente

pa tuma un rol activo pa combati ilegalidad door di yama anonimamente riba number 11141 si nan sa e paradero di e personanan cu no a regresa a bordo di e crucero The Horizon manera a wordo publica den medionan dia 14 di December 2012. UPP ta urgi polis y Guarda Nos Costa alavez pa check e adresnan di e familiarnan di e personanan aki ya cu nos ta kere cu e ta mas cu logico cu e personanan aki ta kedando serca nan famianan. Tambe ta urgi cuidadanan cu por sa e paradero di otro ilegalnan cu a drenta via crucero of otro medio di transporte pa yama Guarda Nos Costa pa avisanan door di yama e number di telefoon: 583-9065. Pa evita cu e gastonan di deportacion bin pa cuenta di gobierno nos ta avisa gobierno pa deporta e ilegalnan aki riba gastonan di esnan cu a sconde nan of a tuma nan na trabao. Tambe ta conseha gobierno pa, conforme e Landsverordening Toelating en Uitzetting vigente, boet esnan cu a percura pa vivienda pa e personanan ilegal y tambe esnan cu a tuma e personanan ilegal na trabao. Esnan cu kier propone mas idea di e maneranan cu gobierno por combati ilegal of kier duna un otro comentario por manda un email(anonimo) na nos emailadres: uppprogresopaaruba@gmail.com. UPP ta gradici di antemano tur e co-patrioticonan pa e contribucion na bienestar di nos pais Aruba.




Sra. Mayra Mackay

Cruz Corra lo traha rapport y manda pa DOW di e caso di sra. Hoek

STA. CRUZ – Diamars despues di yobidanan fuerte, sra. Mayra Mackay di Cruz Corra tambe a presenta na cas di sra. Mary Hoek pues na Tanki Leendert 133-C pa asina mira den kico nan por yuda. Aunke tin di bisa cu e señora practicamente a perde tur cos den cas. E cas tabata yena cu awa di 30-45 cm di awa cu a afecta paden di e cas tambe. Manera sra. Hoek mes a comenta caba, desde cu DOW a coba bandi pasuid di su cas a cera e caminda unda cu e awa normalmente tabata

pasa y a ocasiona cu tur awa ta para den su cura. No ta prome biaha cu e señora aki ta bira victima di awacero mirando cu na 2012 tambe el a pasa den mesun cos caminda cu el'a perde tur cos den cas. Te dia di awe DOW no a haci nada pa e señora aki. For di October 2012 te cu dia di awe e señora ta sin Frigidaire. Sra. Mayra Mackay a tuma nota di e situacion y lo bay traha rapport pa DOW. Sra. Mackay ta splica cu Cruz Corra tey pa cualkier necesidad y sigur lo yuda sra. Mary Hoek.

CBS ta presenta informacionnan social demografico segun area geografico



STA. CRUZ -- Recientemente CBS a emiti Social Atlas 2010 cu ta indica e diversidad social demografico na Aruba. Cada mapa y tabel den e publicacion aki ta indica detaye riba nivel di zona pa cada un di e 55 zonanan. E datonan ta basa riba e di cinco Censo di Poblacion y Vivienda 2010 cu a ser teni na Aruba durante September 2010. Den e publicacion aki ta presenta tabel y mapanan caminda e distribucion di diferente indicador social, demografico, economico, di enseñanza y otro indicadornan di e poblacion di Aruba ta wordo ilustra. Un indicador importante ta e densidad di poblacion. Aruba tin un poblacion di 101,484 persona y un superficie di 179 km², pues un densidad di poblacion di 567 persona pa km². Aruba tin pues e densidad di poblacion mas halto

cu Hulanda, cu tabatin un densidad di 496 persona pa km² na 2010. Riba e mapa adunto por mira claramente e desigualdad pa loke ta e distribucion di e poblacion di Aruba. E zona di Aruba cu tin e densidad mas halto ta 'Village' cu 7,544 persona pa km².

Den e publicacion Social Atlas 2010 ta ilustra tambe un situacion cu ta actual den e temporada aki, esta e molester di awa cu e habitantenan ta haya despues di un yobida grandi. Den Censo 2010, 31.8% di e hogarnan a indica cu nan tin e molester aki. E 4 zonanan cu tin e porcentahe mas halto di molester di awa ta Pos Abao/Cunucu Abao (60.2%), Madiki Kavel (53.2%), Washington (51.4%) y Madiki/Rancho (50.8%). E zona caminda e molester ta mas abao ta Seroe Colorado (8.9%).

Un otro ehempel di

loke ta aparece den e publicacion aki ta e cantidad di autonan priva pa 100 persona. Den Censo 2010 a conta un total di 44,365 auto, cual ta significa 44 auto pa cada 100 persona. Durante Censo 2000, e cantidad di autonan pa 100 persona tabata 36. Village ta e zona den 2010 caminda a registra e cantidad mas abao di auto pa 100 persona, esta 14 y e zona cu tin e cantidad mas halto ta Seroe Colorado cu 65. Tambe den e publicacion ta haci comparacion internacional pa loke ta e indicadornan menciona. Den e caso di cantidad di auto, e pais na mundo cu tin e cifra mas halto ta Monaco cu 90 auto pa 100 persona. E Social Atlas 2010 ta presenta un total di 50 diferente mapa y ta duna un bista amplio di e diversidad di Aruba y e publicacion aki ta obtenibel riba e website www.cbs.aw

En conexion cu mudamento: Clinica di Gastro-enterologia di Dr. Jreige lo cera diabierna dia 18 Januari y lo habri bek dialuna dia 21 di Januari

STA. CRUZ -- Dr. Horacio E. Oduber Hospital ta anuncia cu e Clinica di gastro-enterologia (MDL) di Dr. Natascha Jreige lo ta pasando den e proceso di mudamento pa Caya J.E.M. Arends #14. Esaki ta e mesun edificio unda e clinica di Medicina Interna y tambe Oncologia ta ubica (antes 'Aruba Heart Institute'). Por drenta e clinica na e entrada principal.

E clinica di Gastro-enterologia lo ta cera riba diabierna 18 di Januari y lo habri bek riba dialuna 21 di Januari. E number di telefon lo keda mescos: 527-4212 y number di fax lo cambia pa 583-8060. Cu e localidad nobo aki dr. Horacio E. Oduber Hospital ta pone nan pacient na prome lugar pa asina por brinda un mihor servicio.

Sra. Vanessa Tjong-Kock

Casonan di atraco ta wordo trata individualmente

STA. CRUZ -- Sra. Vanessa Tjong-Kock, Hefe di Departamento di Recherche ta comenta cu cada caso di atraco ta wordo trata individualmente. Pues tur caso ta haya su debido atencion pero ta haci distinction di e diferente tipo di atraconan pa esaki tin un team dedica solamente riba esaki cual ta traha tambe a base di tipnan cu ta dreña. A haci varios detencion cual investigacionnan ta sigui. Cada delito ta diferente cual bo mester tin suficiente informacion pa por detene un persona pa

motibo cu no por detene un persona solamente a base di sospecho. Prome cu pasa over na detencion lo sinta y delibera riba tur informacion cu a dreña. Hopi ta e delitonan cu ta tuma lugar na mesun momento y Cuerpo Policial ta haci esfuerzo pa trata y soluciona tur pues ta analiza tur detaye pa yega satisfactoriamente na un solucion. Tin team di atraco, kiebro den cas como tambe teamnan di joyriding cual tur ta haci nan maximo esfuerzo y ta traha individualmente trata tur caso den nan forma di traha.

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

REVLON PATROCINADOR OFICIAL DI ELECCIONAN DI REINA DI NOS CARNAVAL

APORTANDO NA CULTURA Y BEYEZA LOCAL

STA. CRUZ -- REVLON a desaroya un reputacion di ta un trend setter den e mundo di cosmetico y cuido personal, cu un vision di beyeza, glamour, "excitement", innovacion y cu ta ofrece e dama moderno un variedad amplio di productonan di calidad. Desde su inicio REVLON a wordo representa internacionalmente door di e hende muhernan mas bunita di Hollywood, manera Audrey Hepburn, Salma Hayek, Cindy Crawford, Halle Berry y Jessica Alba pa menciona algun. Localmente REVLON, lider mundial di beyeza, ta orguyoso di anuncia cu pa di tercer aña consecutivo lo ta parti di e cultura local y aporta na e beyeza y alegria di nos carnaval, como e patrocinador principal di e eleccionan di reina di nos Carnaval. Mescos cu den Carnaval 58, e coronan y sjerp di tur cuater eleccion di Carnaval lo ta patrocina pa e lider mundal di beyeza y a wordo traha den un diseño special pa asina nos beyezanan local por luci. Como parti di e patrocinio

aki REVLON lo tin diferente actividadnan, especificamente cu e participantenan pa loke ta e di 59 eleccion di reina grandi di nos Carnaval, incluyendo un entrenamiento di makiyahe cu makeup artist, Andrew Curiel y photo-shoot cu fotografo Luis Mejia. Revlon lo duna tambe un fan di nan facebook page e oportunidad pata parti di tur esaki y gana su makeover cu Andrew Curiel y photoshoot riba nan facebook page www.facebook.com/RevlonAruba. Adicionalmente e reina grandi di nos Carnaval lo ricibi AWG200,- den producto di REVLON y lo tin un premio special pa e mihor makiyahe durante e anochi di eleccion di AWG350,- den producto di REVLON. E promer evento lo tuma lugar Diasabra 19 di Januari, esaki lo ta e "lotjes" trekken pa eleccion di reina infantil y hubenil. Ainda por registra na oficina di SAC pa particia na e eleccionionan, pa mas informacion por jama 5824214.



TA HUUR

Ta huur un cas 4 kamer y 2 baño. Cas tin un espacio grandi pa esnan cu ta interesa den haci un negoshi entre otro Beauty Salon, oficina, tienda etc. E cas ta situa cerca di caminda grandi: Caya Betico Croes den area di Casa Vieja Restaurant na Cumana. Por Contact: 592-6895 of 585-5926

Links-Rechts cu Canal 22 den ambiente di Carnaval 59

Links-Rechts, programa di Carnaval atraves di Canal 22, ta den full ambiente di e dushi temporada aki. Trappers Club na Santa Cruz ta Sede di e programa aki, pesenta pa presentadornan Sandra Croes & Lyonel Dirks. Un programa cu ta trece tur info di e temporada di Carnaval. Hopi ta nos carnavalista nan, reinanan y prins y panchonan cu ta presenta den Links-Rechts. Sintonz'e tur anochi pa 9:00pm. Mas por ser aprecia ariba e foto aki.



NEW

 You Know When It's Real.

NEW PREMIUM TOPPINGS
Crinkle-cut pickles, sweet red onions, and thick hand-sliced tomato

TRIPLE

JUICIER, THICKER BEEF
100% North American beef, hot off the grill

DOUBLE

BUTTERED, TOASTED BUN
Soft, warm and topped with real butter

DAVE'S

HOT 'N JUICY CHEESEBURGERS

How do you top a classic?
Take a bite.

PARADA DI BLAAS NA SAN NICOLAS



SUCESO AWE24.COM

Chauffeur di truck no a mantene distancia a dal tras di auto



STA. CRUZ -- Diarazon mainta a drenta informe di un accidente pariba di Pacifico Paradera. Mesora a dirigi un patruya na e sitio. Na yegada di e patruya a bin comprende cu e chauffeur di e truck no a regula su velocidad y no a mantene distancia, a brake y a kita, bay dal den banda tras di e auto y tambe na e vangrail. Afortunadamente ningun hende a resulta herida.

Chauffeur a reverse y a dal auto den parkinglot



STA. CRUZ -- Diarazon mainta a drenta informe di un accidente riba e parkinglot di Wendy's. Central di Polis a dirigi un patruya na e sitio y na yegada di e patruya a bin comprende cu e chauffeur di e Nissan March blauw cu stuurwiel otro banda, a bay reverse y no a mira e auto su tras y a bay dal riba e Toyota Yaris preto. Tabata trata di djis un sla chikito, polis a traha rapport di e sucedido.

Polis a bay na Departamento di labor pa un trahador di Westin cu a haya salario di otro y a gast'e



STA. CRUZ -- Diarazon mainta a drenta informe di un caso di apropiacion indebito na Departamento di Labor D.A.O., unda un trahador di Westin pa equibocacion a haya salario di un otro trahador y a gasta casi tur e placa y awor mester paga bek sino ta hib'e cera. Mesora a dirigi un patruya na e sitio. Ora e empleado concerni a waak polis yega, el'a core bisa cu e lo paga mesora bek e suma concerni.

Polis a core cu choller cu cuchiu na Bibliotheek



STA. CRUZ -- Diarazon mainta a drenta informe cu tin un choller dilanti Bibliotheek na Oranjestad. Esaki tabata un motibo di miedo pa hendenan cu mester drenta den Biblioteca Nacional, pasobra e choller tabata tin un cuchiu den su poder. Mesora a dirigi un patruya na e sitio. Na yegada di e patruya a kita e cuchiu y un staka di hero ademas a core cu e choller for di e sitio.

SUCESO AWE24.COM

Choller a bay usa droga banda di school



STA. CRUZ -- Diarazon mainta a drenta informe di un choller cu ta usando droga y no kier bay di banda di Mon Plaisier School basico na Gutenbergstraat. Mesora a dirigi un patruya na e sitio. Na yegada di e patruya, net e maestronan mes a logra core e choller for di e sitio avisando e cu polis ta na caminda.

Un cabay a muri NA Rancho Gold Mine door di e candela na Parke Avestruz



STA. CRUZ -- Despues di e candela feroz na e Parke Avestruz un cabay na e Rancho Gold Mine a bin fayece debi na e cantidad di huma di e candela. Lo ta bon pa tene na cuenta cu e animalnan cu ta ser exponi ora cu tin candela.

Polis a bay atende bisiña pa motibo di holor fuerte di verf cu ta bin di otro bisiña



STA. CRUZ -- Diarazon mainta a drenta informe di un caso unda habitantenan di un cas den Caya Ing. Roland H. Lacle a sinti molester di holor di verf ya cu e bisiña a pone un tent y ta verf cu vernies bao di esaki y ta manda holor fuerte. Mesora a dirigi un patruya na e sitio y na yegada di e patruya nan a bin constata cu en berdad e holor ta fuerte y a bay atende cu e bisiña kende a tuma nota di e keho y a musta disponibilidad pa remedia e situacion incomodo pa e bisiña.


Un hende benta for di auto na Weg Seroe Blanco



STA. CRUZ -- Diarazon atardi a drenta informe di un hende benta canto di caminda na Weg Seroe Blanco. Mesora a dirigi un patruya pa e sitio. Na yegada di e patruya nan a bin encontra cu e conocido di fam P. benta canto di caminda. Na prome instante polis a kere cu e lo ta bao influencia y a solicita presencia di e dog catcher. Pero despues a bin comprende cu el'a ser benta for di un auto y e persona ta herida. E ora ey a solicita presencia di ambulans y na yegada di ambulans nan a atende e victima y a transport'e pa Centro Medico.

UPGRADE MUSIC LIVE





WWW.REXARUBA.COM

MOBILE: +297 7342063 / +297 5642063 / DESK: +297 5882064

EMAIL: REXARUBA@GMAIL.COM



Den Deporte Escolar organiza pa IBiSA:

Scol Basico Washington ta bira Campeon invicto den Futbol Klas 1+2



STA. CRUZ -- Despues di e periodo di Pasco y Fin di Aña nos a drenta Aña Nobo. Deporte Escolar organiza pa Instituto Biba Saludabel y Activo, IBiSA ta continua cu su torneo y competencianan riba programa. E deporte di futbol a sigui cu weganan sumamente interesante na Compleho Deportivo Frans Figaroa na Noord. A hunga e competencia entre Schoolnan di Klas 1+2 mengua (muchu muher y muchu homber). E schoolnan cu a participa ta St. Paulus School, Pius X School, Maria Goretti School, Scol Basico Washington, Colegio Conrado Coronel, St. Dominicus College y Colegio Sagrado Curazon. Prome dia a tuma lugar 6 wega: Den e prome wega a enfrenta otro St. Paulus School y Pius X School. Aki ta unda e hobennan di Pius X School a domina y ta logra gana e wega cu anotacion di 5 pa 1. E golnan a keda anota pa Doedley Noordelus cu 3 gol riba su number y 2 pa Evander Nedd, mientras cu e unico gol di St. Paulus School tabata di Jahmani Eidsen. E siguiente wega tabata entre Maria Goretti School y Scol Basico Washington. Cu un control riba tereno di wega y dominando e bala den cada hugada, for di inicio di e wega e hobennan di Scol Basico Washington

no a laga duda cu nan lo gana e wega. Y asina a resulta cu un anotacion di 15 pa 0. Golnan a keda anota pa Maas Steeghs (2), Jan Pollak (4), Shawn Croes (3), Jayron Smith (1) y Joswill Pilier (5). E di tres wega a bay entre Colegio Conrado Coronel y Colegio Sagrado Curazon, cual wega practicamente tabata hopi pareu y ta finaliza cu anotacion di 2 pa 0 na favor di Colegio Conrado Coronel cu golnan anota pa C-Jay Tromp y Quion Poppen. Den e wega cu a sigui a topa otro St. Dominicus College y St. Paulus School. Aki si e hobennan di St. Paulus a demostra cu nan tin e animo pa hunga futbol y gana tambe, cu a resulta e caso na final cu anotacion di 3 pa 0. Golnan a keda anota pa Jahmani Eidsen (1) y Ryan Wouters (2). Despues a midi forsa riba tereno Pius X School y Maria Goretti School. E hobennan di Pius X School a hunga un wega rapido y di hopi movecion cu a duna nan e resultado na nan favor di 8 pa 0, cu golnan cu a keda anota pa Doedley Noordelus (2) y Evander Nedd (6). Den e ultimo wega di dia a subi tereno e hobennan di Scol Basico Washington y esnan di Colegio Conrado Coronel. Den otro bon wega sigur, e hobennan di Scol Basico Washington

ta logra gana cu anotacion di 4 pa 0. E golnan a keda anota pa Maas Steeghs (1), Jan Pollak (1) y Joswill Pilier (2). Di dos dia di wega: Tur wega di nos hobennan di Klas 1+2 ta interesante pa wak y specialmente e apoya cu nan ta ricibi riba tribuna pa duna nan animo. E prome wega tabata entre Colegio Sagrado Curason y St. Dominicus College, cu a bay hopi rapido den anotacion y ta finaliza 6 pa 0 na favor di Colegio Sagrado Curason cu golnan anota pa Jadan Croes (1), Justin Montaner (5). Den e di dos wega ta topa otro St. Paulus School y Maria Goretti School, cu tabata un wega hopi cera. Ambos scol ta defende riba tereno y den un oportunidad clave e unico gol ta cay na favor di St. Paulus School anota pa Adrienne Gomez. Despues a sigui e wega den cual Pius X School ta midi forza contra Scol Basico Washington. Esaki tabata un wega hopi emocionante di bon hugada y dominio di bala pa ambos scol. Na final e wega ta keda 4 pa 1 na favor di Scol Basico Washington. E golnan tabata anota pa Doedley Noordelus di Pius X School (1), Jan Pollak (2) y Joswill Pilier (2) di Scol Basico Washington. E otro wega tabata entre Colegio Conrado Coronel y St. Dominicus College cu a finaliza cu anotacion minimo di 1 pa 0 cu gol di C-Jay Tromp di Colegio Conrado Coronel. E wega interesante cu a sigui tabata di e hobennan di St. Paulus School y Scol Basico Washington, den cual ambos scol a demostra nan habilidad y deseo pa gana e wega. Na final esaki a termina cu anotacion di 5 pa 1 na favor di Scol Basico Washington. E golnan di wega aki a keda anota

pa Gavin Kock (1) di St. Paulus School, Maas Steeghs (1), Jan Pollak (1), Shawn Croes (1), Jayron Smith (1) y Joswill Pilier (1), tur di Scol Basico Washington. E ultimo wega di e di dos dia a bay entre Pius X School y Colegio Sagrado Curazon, cual wega a finaliza cu anotacion di 2 pa 0 y e golnan a keda anota pa Evander Nedd y Ransell Wester di Pius X School. Resultado tercer dia: E scolnan cu a topa otro tabata St. Paulus School y Colegio Conrado Coronel cual wega a finaliza 1 pa 0 na favor di Colegio Conrado Coronel. Maria Goretti School ta topa Colegio Sagrado Curason y e wega ta caba 8 pa 0 na favor di Colegio Sagrado Curazon. Scol Basico Washington ta subi tereno enfrenta St. Dominicus College y e wega ta caba 5 pa 0 pa e hobennan di Scol Basico Washington. Tambe ta hunga St. Paulus School y Colegio Sagrado Curason y e wega aki ta keda empata na 0. Mientras cu den e ultimo wega Pius X School y St. Dominicus College ta hunga y e wega ta termina 3 pa 1, gana pa e hobennan di Pius X School. Semi-Final y Gran Final: Despues di hunga tur wega e scolnan cu a clasifica pa semi-final ta topa otro y aki Pius X School ta subi tereno contra di Colegio Conrado Coronel. E wega aki tabata emocionante y duro, pero e hobennan di Colegio Conrado Coronel a demostra nan motivacion y ta gana cu anotacion di 3 pa 1. Despues ta sigui Maria Goretti School y St. Dominicus College, cu a resulta den otro wega bastante pareu y yen di animo. Aki St. Dominicus ta sorprende y ta gana cu anotacion di 2 pa 1. Den otro wega a hunga Maria Goretti School y Colegio

Conrado Coronel y aki ta unda e hobennan di Colegio Conrado Coronel ta convence un biaha mas nan habilidad den futbol y ta gana cu anotacion di 5 pa 1. E ultimo wega di atardi a bay entre Scol Basico Washington y Colegio Sagrado Curason. Cu un deseo grandi pa gana y demostrando nan amor pa futbol e hobennan di Scol Basico Washington ta segura e wega y tambe nan titulo cu un anotacion final di 3 pa 0. Na final di e competencia di Futbol Escolar di Klas 1+2 mengua entre mucha muher y mucha homber organisa pa IBiSA, Scol Basico Washington ta bira CAMPEON finalizando e competencia cu un total di 18 punto. Colegio Conrado Coronel ta keda na di dos lugar y Sub-Campeon, mientras cu na di tres lugar ta keda Pius X School. Cada school a ricibi nan trofeo, y e hungadornan un bunita medaya pa conmemora e competencia di futbol escolar Klas 1+2 2013, organisa pa IBiSA. Instituto Biba Saludabel y Activo, IBiSA ta felicita tur school cu a participa, como tambe nos hobennan cu a demostra nan talento y habilidad den e deporte di futbol. Y ta invita mas scol pa participa den e competencianan escolar cu ta sigui riba programa pa 2013. Futbol Escolar den categoria A y B mucha homber ta continua riba programa di IBiSA na Compleho Deportivo Frans Figaroa na Noord, como tambe competencia di Handbal Escolar na Centro Deportivo Betico Croes na Sta. Cruz. Pa cual nos ta invita tur amante di futbol y handbal, alumnonan di school y mayor pa bin apoya nos hobennan.

Diabierna awor SV San Luis vs Sport boys den Division II



STA. CRUZ -- Diabierna awor 18 Januari SV San Luis Deportivo lo enfrenta Sportboys pa 8'or di anochi riba tereno di SLD den Division Dos. Dialuna ultimo e wegá entre SLD y Jong Aruba a cancela pa motibonan imprevisto, pero tur cos ta cla e siguiente weganá. Diasabra awor no tin training pa veterano. Dialuna 21 Januari lo tin training pa D2 y veterano 35, 40 y 50 plus pa 7:30 pm riba nos propio tereno. Dialuna 21 di Januari lo tin e reunion general anual tambe pa escoge un directiva nobo pa e periodo di 2013/2014 pa 7:30 pm. Tur nos miembronan activo y no activo mayor di 18 aña ta keda cordialmente invita. Tambe e miembronan di veterano, di domino, ex miembronan di directiva, ex entrenadornan di Lifida, colaboradornan, fanaticonan y henter e barío di Savaneta ta keda cordialmente invita pa bin presencia e reunion. Esnan cu ta interesa pa forma parti di e siguiente directiva, por pone nan nomber prome cu e reunion tuma lugar. Cosnan ta

monstra bon pa 2013 ya cu tin hendenan cu hopi interes pa juda SLD financieramente y cu ta postulando nan mes como miembro di directiva. E aña aki nos veld ta wordo usa pa AVB Division 2 y Damas y na Maart e tereno lo wordo usa pa campeonato di Fedeveta 40 y 50 plus y na September 35 plus. RCS di Rooi Koochi tambe ta haci uso di nos tereno mescos cu SV Unitars y Jon Sanicolas. Na e momentonan aki SLD ta wordo maneha pa 4 persona ya cu no tin directiva. Sandy Ras ta encarga cu training y wegá. Thelma v/d Linde ta encarga cu huurmento di e veld y Jose Wever y Gibert Yarzagaray ta encarga cu organizacion. Un gradicimento ta bay pa Yvan Koolman, Donny Rasmijn, Rido Vermeulen y Wanda Broeksema pa nan aporte na nos organizacion y un danki na Freddy Croes pa yuda nos cu coriente y e muchanan di D2 pa haci nan best pa bin train y bin hunga.

Club di Movimiento cu show na Biblioteca



STA. CRUZ -- Diahuebs atardi Club di Movimiento ta cera e siman di actividad special na biblioteca cu un espectáculo di baile. Esaki ta cuminsa 6'or. E presentacion di Club di Movimiento bao direccion di sra. Samantha ta consisti di 11 baile diferente. Lo tin Street dance, polka, ballet clasico, baile contemporaneo, Funk Jazz, salsa y un baile titula 'Brasileira'. Publico por spera bailarinnan di tur edad, chikito y hoben cu trahe special. Club di Movimiento: Club di Movimiento ta un school di baile cu pa mas di 15 aña caba ta situa na Bubali. E school ta acepta mucha di 3 aña bay ariba y ta ofrece les di ballet, character, jazz, baile moderno-contemporaneo, tap, latin, streetdance, aerobics, Belly dance, samba y afro pa mucha y adulto. Na Club tur alumno ta conta. E ta un school di baile activo den comunidad y e ta tuma su responsabilidad socio-cultural di desaroyo di arte di baile na Aruba hopi na serio. Ademas di siña baile, algun di e metanan di Club di Movimiento ta pa siña alumnonan crece cu confiansia,

curiosidad, iniciativa, mihor disciplina y motivacion den bida, y pa respeta su amigonan actuando semper husto un cu otro. Historia recien: Na Februari 2012, Club di Movimiento su alumnonan a biaha pa participa den Prix Arabesque na Belgica. Na Maart 2012 Club di Movimiento su alumnonan a baila na Fiesta Rotaria. Na April 2012, Club di Movimiento a forma Youth Ballet Companionship. E meta di Youth Ballet Companionship ta pa ofrece nos hobennan e oportunidad pa enfoca y mehora nan tecnica di baile pa asina nan por bay competi den exterior y por haya un mihor oportunidad den area profesional di danza. Na mei 2012, Club di Movimiento su alumnonan a baila den 'Open Dag' di Mariniers Kazerne. Na Juni 2012, Club di Movimiento a presenta e recital anual, Movements without limits...That's who we are! 15th Anniversary Recital. Na September 2012, Club di Movimiento a organisa na Cas di Cultura un Fundraising show pa studiantenan por a competi na Merca. Na Oktober 2012 Club di Movimiento a biaha pa

Merca, cu un grupo di 17 mucha den categoria di edad di 9 te cu 20 aña pa competi den categoria Ballet Clasico y Contemporaneo na e Festival 'International Youth Dance Festival of New Jersey'. E alumnonan a clasifica na di 3 lugar cu 2 baile contemporaneo ('Little things out of my head' y 'Progressions by number-number' 1). Jillian Oduber a ricibi un Achievement Award pa su Jazz solo performance - Funk Jazz. Na November 2012 Club di Movimiento a baila na Cas di Cultura y pa durante e Dia Internacional di Derecho di Mucha. CDM Youth Ballet Companionship a baila na apertura di e Sculpture Garden di Queen Beatrix Airport. Recientemente na December 2012, 35 alumno di Club di Movimiento a participa na Nutcracker Ballet performance organisa pa Kozlov International USA, na cas di Cultura. Club di Movimiento ta participa na diferente evento cultural cu ta yuda e estudiante conoce su mes mihor y habri horizonte di alumnonan dor di baile, tuma les y intercambia cu otro scolnan di baile den un atmosfera constructivo. E experiencia bunita di baila ta necesario no solamente pa e alumno, sino tambe pa e juffrouwnan, mayornan, y pa e publico Arubano en general. Pues biblioteca ta spera un y tur pa diahuebs atardi 6'or.

Parlamentario di AVP, Juan David Yrausquin:

Leanne Geerman a duna contribucion valioso na tarea Parlamentario durante stage



STA. CRUZ -- Durante e temporada di September 2012 te cu Januari 2013 un estudiante di Universidad di Aruba a core stage na Parlamento di Aruba. E estudiante, Leanne Geerman, di e facultad economico financiero y mercadeo, a haci esaki cerca e fraccion di AVP bao guia di Parlamentario Juan David Yrausquin. Segun Glenn Thodé, rector di Universidad di Aruba, te na unda e sa esaki ta e prome stage cu un estudiante di Universidad di Aruba a haci cerca un Parlamentario di pais Aruba. E tarea specifico di e stagiaire tabata pa introduci tur informacion di presupuesto- y cuentanan anual di cuminsamente di decada pasa te cu awor den forma digital y pa haci un analisis di e informacion aki posibel. Te cu recientemente Parlamentarionan di pais Aruba tabata ricibi presupuestonan di pais Aruba pa trata esaki den Parlamento, pero nan no tabata dispone di e cuentanan anual di pais Aruba pa wak e realizacion di e presupuesto. Na September ultimo Minister di Finanzas Mike de Meza a entrega tur e cuentanan anual di e ultimo 25 aña na Parlamento y a entrega esun di aña 2011 tambe den e termino cu Constitucion di pais Aruba ta prescribi. E informacion

aki sin embargo, ni tampoco esun di e presupuestonan, tabata den forma digital y como tal e tabata dificil pa analiza e cifranan aki y compara e cambionan den presupuesto y realizacion di esaki. Awor cu e estudiante aki a cumpli cu su stage, Parlamentarionan di fraccion di AVP ta dispone

di un instrumento pa analiza tur e informacion aki, asina mehorando e tarea di Parlamentarionan pa haci pregunta, comprende y tambe pa trece cambio den e presupuesto. "E contribucion cu Leanne Geerman a duna durante su stage cu e tarea cu e la ehecuta ta uno sumamente valioso pa nos como Parlamentario" asina Juan David Yrausquin a remarca. "Awor aki nos tin datonan financiero di pais Aruba pa un periodo suficiente largo y suficiente specifico pa nos por cumpli cu nos tarea manera cu mester ta". Na luna di mei aña pasa e Parlamentario a wordo acerca door di Universidad di Aruba cu e peticion pa un estudiante core stage cerca dje. E Parlamentario inmediatamente a bisa

si y conhuntamente cu e estudiante a defini e tarea aki cu awor a keda cumpli. "Mi kier a gradici Juan David Yrausquin pa a dunami e oportunidad di por stage cerca dje na Parlamento di Aruba. Mi conocimiento di finanzas publico, e tarea di un Parlamentario y leynan en general a engrandece enormemente durante e stage aki", asina Leanne Geerman a declara. E estudiante ta gradicido tambe na e miembronan di e fraccion di AVP, parlamentarionan di otro fraccion y e miembronan di griffie pa nan sosten durante e temporada aki. Segun Leanne Geerman, e ta un experiencia cu pa cualkier estudiante ta interesante unda bo ta mira di cerca e trabao di un Parlamentario cu tin e poder legislativo na nos

pais. E aspectonan politico cu bo nunca ta lesa di dje pero awor ta waak di paden tambe ta hopi interesante. E stage di e estudiante aki tabata e prome cerca un Parlamentario di pais Aruba y ta di spera cu mas estudiante tuma e oportunidad aki di acerca institucionnan manera esaki pa core un stage cual por mehora e funcionamiento di e institucion como tambe di e estudiante. Parlamentario Yrausquin a expresa finalmente cu e ta contento di por a comparti su conocimiento y experiencia cu e hoben aki di Universidad di Aruba kenda a duna su tempo y talento pa contribui na bienestar di nos pais cu e tarea cu el'a ehecuta.

TechRepublic

5645222/6413677

Happy New Year! 2013

Bo A Reserva Dibo Kaba. Cantidad ta LIMITA!!!

Carga Ta Yega entre 7-11 Januari 2013

2 in 1 Swivel Tablet

750,=

iPhone 5/32Gb

1995,= UnLckd

Android QuadBnd 3G/Wifi Touch Un-Locked

555,=

10" Android Tablet

875,=

BLACKBERRY

8520 UnLck

iPhone 5/32Gb

1995,= UnLckd

Ipod 2/32Gb

1750,=

Android QuadBnd 3G/Wifi/Touch & Slide/Un-Locked

435,=

I-Mac 27"/i7/16Gb/2Tb

5009,=

Android QuadBnd 3G/Wifi/Touch Un-Locked

585,=

Cell Watch Phone QuadBnd/UnLckd

405,=

BLACKBERRY

585,=

Cell Watch Phone QuadBnd/UnLckd

435,=

I-Mac 21.5"/i5/4Gb/1Tb

4695,=

7" Android Touch Tablet

770,=

Bold 4 Unlck

555,=

Creative Surround Sound

555,=

Mini Ipad 4G/32Gb

1650,=

Complete Computer System incl. WiFi (n)

750,=

PARADA DI BLAAS NA SAN NICOLAS



Dojo Boye a cuminsa cu nan training di Muay Thai bek



STA. CRUZ -- Trainig di Muay Thai a cuminsa na Dojo Boye y acuminsa den un bon pia cu no ta un desconocido den e mundo di Muay Thai Rayen Semeler y tabata di bishita cerca dojo Boye. Rayen Semeler ta un campeon di Hulanda y Europa den e deporte di Muay Thai kickboxing y ta un profesional. Nos a keda contento cu el'a pasa un rato cerca nos pa asina a train cu nos tambe y duna nos un tiki Technica di dje na nos muchanan. Nos ta hopi orguyoso di waak undi nos Arubianonan, haciendo un tremendo papel pafor di nos

pais. Rayen Semeler ta bibando actualmente na Hulanda y lo ta probablemente un di e bringadornan pa e gala grandi di dia 2 Juni 2013, cu lo tuma lugar aki na Aruba unda lo enfrenta mundo. Riba e potret por waak Rayen Semeler cu esnan cu tabata presente e anochi ey y tambe por waak Rayen den accion cu Rygell Boye. Pa mas informacion por yama na 743-2512 y tambe tin les di Thai Boxing pa mucha cuminsando di 6 aña bay ariba cual ta wordo duna door di Rygell Boye.



Hopi Pabien ta bai pa Sra. Arcadia Dijkhoff cu a celebra su cumpleaños dia 11 di January 2013 den compania di su famianan stima. Cu nos bon Dios drama su bendicion pa dune hopi aña mas di bida y salud.

Made in Aruba



New!

PA HENTER MUNDO

Vodka Mix Lemon, Peach and Coconut.



12 FL.OZ. 330 ml. 6% ALC./VOL.

Produced and Bottled in ARUBA by CARIBBEAN BEVERAGE & BOTTLING PROJECT. CONTAINS ALCOHOL.

Olijfistraat 23E
Tel. 561-0934 / 565-2923

TA BENDE

Ta bende diferente lot di 390 m2 eigendomsgrond na Tanki Leendert. Vraagprijs Afl. 75.000,-. Negociabel. Pa mas informacion yama tel: 739-0101.

Ta bende cas di 2 piso na Tanki Leendert 3 kamer – 3 baño plus 4 apartment pa Afl. 550.000,-. Pa mas informacion yama Tel. 739-0101.

Ta bende un tereno na Mahuma di +- 5.000 m2 pa 275.000 florin, bon pa warehouse of tayer. Pa mas informacion yama Tel. 739-0101.

Ta bende un cas hopi bunita na Piedra Plat banda di caminda, di 3 kamer, 2 baño pa Afl. 400.000,-. Pa mas informacion yama tel. 739-0101.

Ta bende cas na Paradijswijk di 3 kamer, 3 baño, cu 4 apartment. Pa Afl. 390.000,-. Pa mas informacion yama tel. 739-0101.



Boutique Keyla tin un coleccion grandi di paña pa diferente ocasion den size small te cu 3XL. Nos ta habri di dialuna pa diasabra, di 9.00 AM pa 6.30 PM

Desde 4 Januari 2013 lo tin 50% di descuento

Nos tin un parkeerplaats amplio.

Boutique Keyla

Paradera 84

tel: 582-1164 cel: 593-1189

website:boutiquekeyla.com

facebook:Boutique Keyla



Private Center Investigation Aruba

1. Nos ta un compania Arubiano
2. Nos ta investiga tur cos cu bo por duda aden?
 1. caso di divorcio
 2. caso di maltrato
 3. caso di duda aden???
 4. caso di corrupcion
 5. caso di ladroncia
 6. caso di atraco
 7. nos ta filma tambe videonan
 8. nos ta graba tape di combersacionnan
 9. nos ta rond mundo completo den e trabao aki
 10. nos ta traha rapport tambe di tur clase
 11. nos ta keda den nos sistema priva
 12. nos ta saca potret tambe
 13. abogadoan por contact nos tambe pa facilita nan trabao tambe

**Yama nos na tel: 5684160
24 ora pa dia**

CLASIFICADO solodipueblo@gmail.com



Medical & Home Healthcare Services

Av. Milo Croes 52, Dakota - Aruba

Tel. 582 6651 / Fax 582 6567

BUSCA TUR BO PRODUCTIONAN DIABETICO

Manera:

Diabetic Hand, Elbow & Knee Lotion

Diabetic Face Care

Diabetic Nail & Finger Cream

Diabetic Foot Massage Cream

Diabetic Key Chain (Jabero)

Diabetic Bracelet and Necklace (Armband i Cadena)

Special Medical Diabetic Shoes

Gluko Perfect (Machine pa test sucu den sanger.)

Labco Medical
lider den productionan
Diabetico na Aruba

TA BENDE

1 FRIGIDAIRE 6 LUNA
BIEU PA AFL 750

PA MAS INFO YAMA
: 5837636 OF CELL:
7444633.

TA HUUR

un cas di 4 kamer y dos
baño na Dakota, banda di
caminda principal Caya
Betico Croes na Cumana.
**Si ta desea pa biba cu
famia of pa haci negoshi.**

Pa mas informacion
yama 592-6895 Sr. Croes.

TA HUUR

Ta busca un interesado
pa huur un espacio of un
bunita lugar cu lo ta bon
pa un kapsalon of un bon
negoshi, segun e smaak di
e comerciante. For di awor
caba por yega na un acuerdo
cu doño di e lugar. Si bo ta
interesado, contact: email:
mrnilocroes2@setarnet.aw

TA HUUR

un kamer na macuarima
pa 1 persona cu su banjo
priva. Afl. 350.00 pa luna
y un luna di deposito.
Kamber ta separa cu
propio entrada. Awa cu
coriente ta apart
Telf: 7469309

TA FURA

Orange Matras Fabric

ta fura y traha matras y box
spring den tur midi, ta fura set
di sala, tv chair y pa auto
pa mas info bishita nos
olijfstraat 23d of por yama na
588-7468 / 569-8053.

TA BUSCA

Un pick-up pa cumpra di
mas o menos Afl 4000,-

Pls. yama na: 594-1402

TA BENDE DUMP TRUCK JMC

Year: 2007, Diesel, motor Isuzu
Mester drecha, pero tin tur piesa original



Afl. 9,250 O.B.O.

Cel: 5942671

TA HUUR

Apartamento, 2 kamer,
1 baño, cushina, sala,
comedor. Full muebla,
airco! Afl. 100.00 pa dia
inlui awa y coriente.
Available pa December,
Januari y Febuari.

Situa na Noord, banda
di Texaco Sasaki, 2
minuut di beach y
hotelnan grandi.
Tel: 567-9696

TA BENDE



Un generator
Denyo di 15 KVA
riba su garoshi
cu wiel. Ta start
y traha den
perfecto condicion.
Afl. 16.000.00
negociabel.
Haci bo oferta.

Call: 739-0101

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500



For a client we are looking for:

Pa por aplica pa e trabow:

- Mester por domina Ingles, Spanjo y Papiamentu
- Mester ta local pa e position di casino
- Stranjeromester tin permiso valido minimo 3 anja caba
- Mester ta entre 20 y 45 anja Female or Male
- Mester tin condition fisico pa por traha
- Mester tin un clean record cu justitia
- Mester presenta cu papel di censo 5 florin, un id valido
- Mester pasa ub drugs test.

UrgenteUrgente

30 security pa hotel y postnan

20 security pa casino

6 security partimer

Esnan cu kier traha por aplica inmediatamente

Por aplic apersonalmente:

Address:Caya Haarlem #19. San Nicolaas(2 cayapatras di IPA).

Cell: 7435315 or e-mail: Sheriffsecurityconsultancy@hotmail.com

Oportunidad pa trabao

Part timer: Pa diadomingo un hende muher serio pa traha minimaal 3 diadomingo pa luna di 10'or am te 4'or pm, trabao ta encera saca y atende cliente cu cuminda. Cuminza na 10,- pa ora. Despues di 1 luna lo subi na 11,- pa ora. Por yama na 594-4659

Carnaval Special

Portable BBQ grills "made in Aruba"



Bo yiu ta zwak na school

Bo yiu ta zwak na school y bo no kier pa bo yiu keda sinta of bay otro school? Busca ayudo promer cu ta laat. Nos ta yuda muchanan di basis y MAVO cu problema cu Hulandes y tambe vaknan manera wiskunde. E bon resultado di bo yiu ta nos satisfaccion. Por yama pa meneer Bryan na 563-5385 of 585-1823

Telefonnan importante:

BOTICANAN:

Maria	585-8145
Di Servicio Noord	586-4606
Seroe Preto	584-4833
Fergusonstraat	583-0620
Kibrahacha NV	582-2007
Oduber NV	582-1780
Paradera	588-6638
Santa Cruz	585-6890
San Lucas	584-4830
San Nicolas	584-5712
Santa Anna	586-0027
Trupial	582-8671
Eagle	587-9011
4 Centro Medico	584-5779
Aloe	584-4606
Central NV	585-1965
Dakota NV	588-7364
Del Pueblo	582-1253

POLIS:

Oranjestad	100
San Nicolas	104
Sta. Cruz	105
Noord	107
Tip-line	11141
Brandweer/Ambulance	911
Guardacosta	913
Seguridad National	11911
Hospital	527-4000
Centro Medico	524-8833
Setar storing	117
Web Storing	525-4600
Elmar storing	523-7147
Agencia Funeral:	
The Olive Tree	584-8888
Ad Patres	584-2299
Aurora	588-6699
Mementomori	582-2222

Fundacion:

Cas	584-2050
Fada	583-2999
F A V I	582-5051
Famia Planea	588-9591
Autismo Aruba	588-1179
Pa Hende Muherr	583-5400
Pa Hubentud	588-6138
Bloedbank Aruba	587-4260
Solo di Pueblo	585-9500
Canal 22	585-9500
Tip pa redaccion	592-6895

Dokter y Botica na Warda pa bao di Brug:

Yama pa informacion na Horacio Oduber Hospital: 527-4000

Dokter y Botica na Warda pa riba di Brug:

Yama na Centro Medico
524-8833



CONDORITO

Sorteo di dia : Januari 16

Santo Domingo	Diario	Curaçao	Super 4	Lot / Cat	Big 4
	5421	1306	7030	4951	8388
	8873	0824		6627	
	8439	0440		2869	
Lotto	1 - 32 - 14 - 08 - 05 - 13 Joker: 12				
Mini Mega					
Mega Ball					
Zodiac	2765 Virgo				

NOTICIANAN INTERNACIONAL

REY DI JORDANIA TA ANUNCIA REFORMA



Amman - Rey di Jordania Abdullah a anuncia un reforma radical di e sistema politico den su pais. Den un particula di discussion cu e Rey a emiti riba su website ayera, el a skirbi cu ya e no ta designa e Prome Ministro. Esaki lo bira un tarea di e majoria den Parlamento, segun Abdullah. Di otro banda e Prome Ministro nobo ta bira responsabel pa e elaboracion di e gobierno. Anteriormente e Rey a designa e ministronan. Cu

su guia Abdullah a haña critica di oposicion. E ta spera di por evita un primavera Arabe na Jordania. Jordania ta eligi riba 23 di januari un parlamento nobo. E partido politico di mas grandi, e frente accion islamico (AIF) cu ta un rama jordano politico ta di e hermandad musulman, ta boycoteando e comicionan electoral. E frente accion islamico ta haña cu Abdullah y su siguidonan tin demasiado poder y ta mira e eleccion como un farsa. Pero e partidido ta bisa di lo kier expresa su descontento pacificamente, a trabes di protestanan y huelganan riba caya.

ESTADOS UNIDOS TAMBE TA TENE DREAMLINER NA SUELA



Washington - E companianan di aviacion Americano mester mantene nan Boeing 747 na suela. E servicio di aviacion Americano FAA a anuncia ayera cu e aerolineanan por pone e asina yama Dreamliner back den operacion si tin claridad cu e baterianan di e avion ta garantisar seguridad. E desicion a produci despues di un serie di

incidentenan cu e Dreamliner. Asina un Boeing 747 di un aerolinea Hapones mester a haci un aterizahe di emergencia ayera despues di un desarojo di candela den e cabina. E probable causa tabata un problema cu un asina yama bateria di litio denomina ion. E desicion di e servicio di aviacion por tin gran consecuencia. Aunke cu na e momentonan aki na Estados Unidos United Continental Holdings ta e unico cu ta haci uso di e avion aki, FAA tin un rol di liderasco internacional.

OBAMA TA DESEA DENIS McDONOUGH COMO HEFE DI SU STAF



Washington - President Barack Obama probablemente lo nombra Denis McDonough dentro di poco como hefe di su staf den Cas Blanco. E lo bira e reemplazante di Jack Lew, kende a ser proponi dor di Obama como Secretario di Finanzas. Esey fuentenan cu ta involucra den e caso a bisa. McDonough di 43 aña di edad awor ta e asesor adhunco di seguridad nacional. E ta trahando ya pa añanan largo cu e

president. Asina e tabata envolvi na 2008 cu e campaña den cual Obama a derota su rival Republicano John McCain. Tambe el a representa Obama como especialista estrahero regularmente den exterior. Como hefe di empleadonan e lo pone den practica tambe e prioridadnan di Obama den e prome aña di su segundo mandato. Esey nan ta e reduccion di e deuda estatal y e deficit presupuestario, e reformacion di e legalisacion di inmigracion y e implementacion di e plan pa miho control di e posicion di arma, cu Obama a presenta ayera.

INDIA Y PAKISTAN A CERA UN ACUERDO



Amsterdam - India y Pakistan a cera un acuerdo pa no permiti e situacion na Kashmir sigui escala. Esey un vocero di e ehercito di India a bisa. E lidernan di e ehercito dia mbos pais ayera a combersa telefonicamente pa dies minut cu otro, segun coronel Jagdeep Dahiya. E ultimo dies dlanan tres Pakistani y dos

militar di India a fayece durante violencia na Kashmir. E tabata e violencia mayor di e ultimo dies añanan. Segun India un di e militarnan a ser decapita. Un serie di accionnan di represaya a aumenta e tension entrw w dos potencionan nuclear.

NOTICIANAN INTERNACIONAL

SNEEUW A OBLIGA BRITANICONAN PA CERA SCOLNAN



Norwich - Debi na e fuerte caida di sneeuw y e intenso frieu alrededor di 260 scol den e Condado Norfolk, den e parti oriental di Inglatera, mester a cera nan portanan. Esey BBC a informa. E trafico tambe tabata fuertemente intermupid ebi na e tempestad

di winter. E trafico riba caya y di e railsnan a sufri di e frieu. Polis a bisa cu majoria di e careteranan den e aerea tabata aceptabel, pero e automobilistanan mester a paga bon tino. Si no tabata necesario, miho hende por a keda sin subi riba caminda. E aeropuerto tambe na Norwich mester a cera temporalmente.


CORTE PENAL TA INVESTIGA CRIMENAN DI GUERA NA MALI



Den Haag - E Corte Penal Internacional a inicia un investigacion pa crimenan di geura cu a l n a n desde januari aña pasa lo a ser cometi den e pais Africano Mali. Esey e Corte na Den Haag a informa

ayera. Desde principio di e conflicto di arma na Mali na januari 2012 hende a biba den severo intranquilidad den e parti nord di Mali, e fiscal Fatou Bensouda a bisa. Diferente grupo a comporta nan mes na un manera violento. Tin motibo pa kere cu a asesina, tortura y viola den e conflicto. E investigacion di e Corte ta concentra su mes riba crimenan den tres region den e parti nord di Mali.

NINGUN DENUNCIA AINDA DI JANSEN STEUR NA HEILBRONN



Heilbronn - A pesar di e gran alboroto despues di e retiro di dokter controverti Ernst Jansen Steur na un clinica den Heilbronn na Alemania te cu awe ningun hende no a haci un denuncia. Esey un vocero di e Ministerio Publico a informa ayera. Cerca e Ministerio

Publico maximalmente dies persona a reporta, segun e vocero a bisa. Pa duna e cantidad exacto ta un poco dificil. Polis entretanto a papia cu tres patient. Entre nan tambe e dama di 33 aña kende anteriormente a bisa prensa Aleman cu e no por a cana dianan largo debi na un puncion lumbar cu Jansen Steur a realisa. E tambe no a haci un denuncia oficial.

ELLEN PAGE A GANA CASO CONTRA STALKER



Los Angeles - E actris Ellen Page atrobe por hala rosea trankil. Un stalker kende a menase entre otro via twitter cu morto a haña un restriccion imponi dor di huez, segun TMZ a informa. E homber no mester tuma contacto di ningun manera pa e proximo tres añanan cu e atriz palpitante. Page tabata presente durante e audiencia ayera na momento cu a tuma e desicion. Na luna di juni

e stalker a manda via twitter un mensahe manera "Mi ta bay asesina Ellen Page" y "Ellen Page si bo sigui acepta citanan cu Alexander Skarsgard lo mi mata bo den e aña venidero publicamente. Na mesun momento lo a haci un yamada di amenaza na e organisacion di e Film Festival di Los Angeles, unda riba 14 di juni e pelicula nobo di Page "To Rome With Love" ta wordo estrena. Esun a a haci e yamada a priminti di lo bay e festival y mata Page. Despues cu Page a bay polis, a haña e agresor.

BENNY NISBET, LIDER DI PPA: part 2

CUANTO KAMBER DI OPERACION LO BIN ACERCA ...?

STA. CRUZ -- UN preguntadi PPA cunos NO ta nota aclaracion den declaracionnan di NI Ministro NI miembronan di parlamento ta.... cu cual “upgrading” tecnico/ operacional e Hospital nobo lo progresa compara cu nos Hospital actual? Cual trato nos lo ricibi acerca cu awe nos NO tin aki na Aruba? Cuanto kamer di Operacion nos lo tin mas cu e Hospital actual? Nos “Intensive care UNIT ” lo REDOBLA den cantidad di cama disponibel?? Nos “Medium Care” lo redobla den espacio di Cama etc....? Nos “Dialise UNIT” lo por atende mas pacient... kizas E lo redobla den espacio cu aparatonan nobo y sofisticada ..?? Y asina nos lo por sigui cu nos preguntanan riba puntonan importante cu NO ta wordo aclarea pa Ni Minister menos parlamento!!

HOSPITAL NOBO LO SIGNIFICA MAS ‘PRIVACIDAD’ PA CADA PATIENT..?

Cu un inversion di casi UN BIYON FLORIN den e hospital nobo un pregunta cu mester bin riba mesa tacu cuanto ‘kamer’ pa pacient nos Hospital lo crece? Awe nos tin un tres cien y algo kamer....!! Esaki lo crece pa cuanto 400

of 450 kamer? Mas importante ainda’privacidad’ pa nos pacientnan lo mehora dor di e inversion grandi aki? P.e. e ‘derde’ klas di Hospital cu awe tin SEIS ser humano den un kamer.... casi SIN privacidad !! Tin viaha tin hasta 7 of 8 pacient pa colmo. E halamento di Cortina No por wordo cualifica como e ‘privacidad’ cu un pacient mester. Door di e inversion esaki lo cambia pa p.e. CUATRO den un kamer pero cu separacionan mucho mihor cu e asina yjama ‘cortina’.

CON TA GARANTIZA E GOLDEN HOUR..... PA ESNAN P’ARIBA DI BRUG ?? Awor cu e gobernacion Mike Eman (AVP) visiblemente a rechaza un Hospital completo na San Nicolas y pa colmo un Hospital mas ‘central’ na Aruba.... con e actual gobierno ta bay ‘garantiza’ e ‘golden hour; cu pacientnan di pariba di brug NO tin ora nan bira malo of haya un accidente pariba di brug. Tin garantia pa un cierto cantidad di ‘ambulance’ NA TUR MOMENTO staciona pariba di brug... pa salba e pueblo di pariba ?? Nada di esaki a wordo discuti corda soluciona... anto tin ministro y parlamentario tin e

‘pudor’ di papia cu nan kier un mihor nivel. Pero TRES aña largo NADA pero NADA no a wordo haci pa logra esaki!! Ta hopi tristo !! Pero pueblo mes.... mester realiza esaki.

HOSPITAL NOBO ECONOMICAMENTE PARCE NO FACTIBLE ?

E solo hecho cu e ‘deal’ aki ta tuma 29 aña pa page bek.... ta demostra cu E ta un deal economicamente NO factibel. Y si a larga traha un estudio di factibilidad e lo a demostra esaki... pesey e ‘sabionan’ NO a laga traha esaki. Gabinete Mike Eman y e 14 miembro di parlamento cu a vota pa esaki a comete un eror di nan bida y futuro lo demostra esaki. Nan tin hopi corahe....!! Un vez mas e 14 miembro di parlamento cu a aproba un ‘deal’ mucho pero mucho caro.... y cu su periodo di pago mucho largo ta demostra cu e NO ta factibel economicamente... Sin cu a cambia e sitio..... y pa colmo financia cu fondo di pensioen di nos ambtenaarnan a haci nos pueblo un MAL FAVOR votando pa e deal aki.... segun humilde opinion di partido PPA.

ATSA TA BRINDA PA LOGRONAN TRAS DI LOMBA Y PA METANAN SU DILANTI

EAGLE – Un encuentro congenial di e mentenan a keda comparti entre brindis y dinner door di miembronan di Aruba TimeShare Association (ATSA), kendenan a celebra esfuersonan colaborativo den 2012, cu brindis pa sigue cu e cooperacion na 2013. E tempo di yobida recien no a desanima e espirito ora cu un delicioso cena, originalmente planea na Passions na Amsterdam Manor, rapidamente a keda realoca pa Tulip restaurant na MVC Eagle Beach Aruba. Durante e evento, actual presidente di ATSA Jan van Nes a expresa cu 2012 tabata un aña di reto, pero cu e asociacion ta mira cu anticipacion pa 2013, unda ATSA lo sigui amplia su metanan pa keda un participante activo den Aruba su industria turistico. Na 2012, ATSA tabata representa den e conferencia di American Resort Development Association (ARDA) como un proponente di provee atencion dedica na producto turistico como tambe infraestructura como un parti esencial pa brinda un experiencia vacacional di mas miho. ATSA tambe ta sigui traha exitosamente cu companianan di intercambio, Interval International y RCI, unda Aruba ta permanece como un di e destinacionnan mas desea entre propietarioan di timeshare. Esfuersonan local a acapara un espectro completo

di actividad, incluso colaboracion continuo cu gobierno atraves di Tourism Product Enhancement Fund (TPEF). Un bon mereci, celebracion di fin di aña a keda engrandece door di un cena di cuater plato sobresaliente, cuadra cu su respectivo biña, presenta pa Chef Stanwick Bloem, kende su arte culinario por ser admira riba base regular na Passions Restaurant na Amsterdam Manor. Ademas di miembronan di ATSA, director di Aruba Experience, Susan Ruiter, kende ta supervisa e publicacion personalisa di revistanan di den cas cu ta estrena den cambarnan na timesharenan di Aruba, tambe a comparti den e evento celebrativo recien. Aruba ta conta cu aproximadamente 4,000 unidad di timeshare cu ta sirbi pa garantiza tasa di ocupacion halto henter aña largo door di Aruba su bishitantenan di mas fiel cu e tin. Miembronan di ATSA ta inclui Marriott’s Aruba Surf Club, Marriott’s Aruba Ocean Club, Casa del Mar, Costa Linda Beach Resort, Aruba Beach Club, La Quinta, Paradise Beach Villas, Caribbean Palm Village, Amsterdam Manor, La Cabana Beach Resort & Casino, Divi Aruba Phoenix, Divi Dutch Village y Divi Links, Tropicana, Occidental y Playa Linda Beach Resort como tambe The Palm Tours

INVITACION PA ORACION

The Voice of Jesus ta extende un cordial invitacion na henter e pueblo di Aruba pa atende tur Diasabra di 8pm – 10pm, un anochi di Oracion na Koyari den fresco di naturalesa y bao di cielo lumbrá pa streanan. Cada Diasabra, durante henter aña, nos ta reza e Santo Rosario, Salmonan, e Santo Evangelio y hunto nos ta canta for di e Misal di Pueblo. Tambe nos ta duna informacion riba bida di Santonan y haci oracionnan bunita y profundo pa refresca almanan cu un aire puro y precioso di oracion y spiritualidad. Keda pendiente pa nos actividadnan manera devocionnan na Santonan, Angelnan pa medio di Nobena y Triduonan, pa henter e aña 2013. E aña aki nos lo celebra 15 aña di Aparicionnan aki na Aruba.

Boso tur ta cordialmente invita.



Oracion pa reza tur dia

Pa Dios cuida nos dushi pais Aruba. Den number d Cristo Hesus, nos ta acerca bo Tata y nos ta pidi Bo, pa tene misericordia cu nos y cu nos Pais Aruba.

Awe nos ta pidi Bo Señor, pa pone un biaha mas bo bista amoroso riba Aruba. Purifica nos Pais Aruba di tur mancha di maldad. Libera Aruba di tur acto di scuridad y di tur acto diabolico. Laga bo Angelnan campa rond di Aruba. Cubri Aruba cu Bo sanger precioso. Spirito Santo, guia y proteha cu bo luz divino tur cu ta y cu tabata biba na Aruba, pa un dia nos por topa atrobe den Bo Reino Celestial. Amen

AD PATRES

Gradicimento/ Invitacion

Pa medio di esaki esposo, yiunan, nieto(a)nan, bisa nieto(a)nan y demas famia ta gradici tur esnan cu a sostene y compañía nos durante condelencia y entiero di nos esposa, Mama, Wela y Ruman:

Rosa Kock-Vos

Un danki ta bay na tur famia, conicir, bisiña y amistadnan. Tambe un danki na esnan cu a haci yamada, a manda telegram, flor, y na e cantante/ musician durante entiero.

Un danki na Ad Patres Funeral Home pa nan yudanza y nan bon servicio. Masha danki di curazon.

Si den nos tristeza nos por a lubida un hende/ instancia, nos disculpa.

Na number di su Esposo, yiunan, nieto(a)nan, bisanieto(a)nan y demas famia. Alavez nos ta invita pa 3 santo Sacrificio di misa na misa Cristo Rey na Brazil

Diahuebs 17 di Januari 2013 pa 7'or pm

Masha danki pa boso presencia

AMI Divino Niño, mi ta e imagen di Dios invisible cu a bini di Spirito Santo, cu pa medio di Dios Tata a ser crea tanto den cielo como na tera. Ta poco lo tin e privilegio di mira mi pa nan bira un sirbitor di Dios Tata, pa plama e bon y e mal noticianan pa spierta tur hende siñando tur hende y tur generacion pa proclama palabra di Dios y halz'e den cielo y na tera, pasobra E ta E Dios cu ta riba cabez di tur Gobierno y Autoridadnan. Loque E duna boso lo haya y loke E kita boso lo perde. P'esey laga paz di Cristo reina den boso curazon y muestra cu boso ta gradicido y sigui siña di dje y anima boso mensahero cu Spirito Santo ta obra den dje, y stima boso muchanan y lanta nan den su caminda. Stima boso famianan y esposo stima boso esposanan. Rumannan stima boso rumanan den mi bista e ta un gesto bunita y persevera den oracionnan y den union cu Dios Tata Señor Hesucristo, Amen.

ORACION DILANTI DI UN CRUCIFIHO

SEÑOR DIOS TODOPODEROSO, CU A SUFRI TE MORTO RIBA CRUZ PA NOS PICANAN, COMPAÑA MI .

SANTO CRUZ DI HESU - CRISTO, TENE PIEDAD DI MI.

SANTO CRUZ DI HESU - CRISTO, KITA TUR MALO FOR DI MI.

SANTO CRUZ DI HESU - CRISTO, COLMA MI CU TUR LOKE TA BON.

SANTO CRUZ DI HESU - CRISTO, LIBRA MI DI TUR ACCIDENTE.

SANTO CRUZ DI HESU - CRISTO, TENE PIEDAD DI MI Y HACI CU SPIRITO MALO HUY FOR DI MI. SANTO CRUZ DI HESU - CRISTO, HACI PA ALCANZA E CAMINDA DI SALUD . SANTO CRUZ DI HESU - CRISTO, ALEHA DI MI TUR PELIGER DI PICA MORTAL. CU SEMPER MI ADORA BO, RIBA BO SANTO CRUZ AMEN.

HESU - CRISTO, NOS SEÑOR , BO A STIMA SIN MIDI E CRUZ SANTO. HENTER BO BIDA LARGO, DEN BO BIDA SCONDI, BO A CARGA E CRUZ DI HUMIYACION.

DURANTE DI BO BIDA PUBLICO BO A CARGA E CRUZ DI CRUELDAD Y CONTRATEMPO. ULTIMO DIANAN DI BO MORTO BO A TUMA CU ALEGRIA A BALKI PISA RIBA BO SCHOUDER TUR NA HERIDA. Y POR ULTIMO CLABA NA UN CRUZ BO A DUNA NA TATA CELESTIAL BO SPIRITO PA SALBACION DI NOS TUR. AMABEL MAESTRO, MI KIER TA BO DISIPEL, MI KIER TUMA MI CRUZ Y SIGI BO RIBA E CAMINDA DOLOROSO, AFIN CU ESAKI POR SIRBI PA SALBACION DI NOS ALMA. CRUZ SANTO CU A CARGA CRUZ DI NOS SEÑOR HESU CRISTO , SANTIFICA HUSTONAN Y COMBERTI PECADORAN. TATA, TENE MISERICORDIA CU MI POBER PECADOR. AMEN.

CALYPSO Y ROADMARCH CONTEST





WWW.REXARUBA.COM

MOBILE: +297 7342063 / +297 5642063 / DESK: +297 5882064

EMAIL: REXARUBA@GMAIL.COM



